

重鐫草堂外集

重鐫草堂外集卷之二

天都吳並山原評本

滇南蝶會諸老重批

草堂眾弟子同校訂

賦下

龍眠山賦有序。樂城集李公麟作龍眠山莊

發真塢薊茅館環路岩樓雲室秘金菴延華洞

澄元谷冷冷谷王龍峽觀音岩垂雲泝蒼嶽金

十六處道溪山清深秀時可遊者有四曰勝金

岩寶華岩陳彭際鵲源東坡記居士作山莊圖
使後來入山而行自得道路如見所夢如悟前
世泉石草木不問而知其名漁樵隱逸不名而
知其人不留一
物故神與物交

草堂外集

卷之二 龍眠山賦

五華先生
山賦謝早
為龍眠山
賦喜山而
言山莊反
復於居士
三致意焉
而與居士
自全不與
謙黃表謫
之當祠子
獨惜伯時
奏無實不

得與其禍也。使亦如昔之。禍不。光。哉。吾。友。無。意。得。遇。不。意。所。坐。無。名。當。世。不。知。後。來。誰。惜。是。之。歲。月。不。值。一。錢。不。更。說。乎。龍。眠。現。在。竹。計。默。一。問。津。也。

舒州之山多以龍名而稱逢稱大者卒莫曜於此通舒州古皖國二統志大龍山在府城東北上有龍池余關詩霞生射蛟臺鴈沒逢龍山按路史逢龍山逢龍山無二山也則以山莊有人焉其人非以藝掩者而免安民之鑄豈以能眠乎僕道經舒桐屢矣或馬上停鞭或肩輿揭幙凝望久之遠寄冥搜但遙想而存耳而桐山士大夫近起北郊遠接山隈往往開別業築被龍眠之目是山谷所謂諸山何處是龍眠也姚端恪格隱龍眠且十年再應召而出得非舊日龍眠今不眠乎益嘆居工為不可及矣賦曰斯山龍隱其德邈然匿峰倒景歛霧藏湍但包含於

雲谷老人曰此亦默齋之淺初賦也使早守此賦意未嘗無所成然不過於周筆峰劉海峰鄉先輩中爭一席耳何得跳出巢臼而與吾輩為蝴蝶之遊即吾輩又何能挽之入社使不攜眉今默齋幾栩栩飛飛出八荒之外胸中所得為何如

深秀不刻露其纖妍作霍之支既以大而宮小倚天之柱惟不動以安眠。易龍德而隱天台大賦或倒景於重冥或匿峯於千巔花山移文歛輕霧藏鳴湍爾雅大山宮小其眠也圍碧落以為山霍漢志潯縣天柱山在其南幃單丹霞以為帳運烏兔以為燈削芙蓉以為障鋪芳草以為廂護籐蘿以為仗竹鏤孔而時吟松作鱗而曰壯依稀吟嘯初聞彷彿靈虛徐上歸根固見元氣之含待起終切蒼生之望。神仙傳太真夫人所居石室有紫錦被褥紫羅帳馬融賦羌人伐竹未及已龍鳴水中不見已截竹吹之聲相似王維詩種松皆作老龍鱗列子眼中吟嘯呻呼冥間集柳毅訪於洞庭宮曰此當夫鳳巢碧靈虛殿也老子歸恨曰靜靜曰復命穴鶴偶青林翠波晚裊霜月宵深苔凝古壁逕絕危

又與欽叩

不粘於死
山而字字
輕巧特為
空靈超脫

岑思美人而攬涕托空谷以傳音。憐屈信於誰待。恐

閉闕之難任。既挾通氣垂精之力。寧忘出雲降雨之

心。南山經丹穴有鳥如鷄五采名曰鳳皇神境記采陽郡南有蘭巖嘗有雙鶴素羽皦然偶影翔集巢

仙傳王母所居左帶瑤池右環翠水連琳絲帳明月四朗迺異記苦錢亦謂之澤葵吳都賦經路絕風雲

通易尺蠖之屈以求信也龍蛇之蟄以存身也又山澤通氣興引垂精遊神包舉藝藪禮記天降時雨山

川出然而鬱不爭高襲不見美藏壑安閒飛峰靜止

雷詎能驚鞭何由起身未喪於吾存味自難以言擬

異捷徑以矜佳凌翠微而獨峙恆匿跡於幽人類待

時於君子。韞文磅礪而鬱積鮑昭書南則積山萬狀負氣爭高爾雅山三襲陟崔子藏山於壑

夜半有力者負之而走廣輿記神人叩其俊禪師曰峽據清遠上游欲建一道場足標勝概俊諾中夜風

雨大作。建明起戶。師安坐。語傷曰：「此殿飛來，何不回去？」忽聞空中語曰：「動不如靜，賜額飛來寺，聞見錄魚躍龍門，雷為燒尾，乃化為龍。」王陽明遊大龍山，詩：「吾欲鞭龍起為霖，遍九州。」莊子：「凡君曰：『凡之亡也，不足以喪吾存。』」廬山道人遊石門，詩：「序當其中，豫自得信有味焉，而未易言也。」太平廣記：「司馬承正赴召，固辭還山，廬藏用指終南謂之曰：『此中大佳處。』對曰：『昔以僕所觀，乃仕宦之捷徑耳。』爾雅：「未及上，翠微。」昔者居士築室於茲，能明秦璽多識商彝，風流何減古昔。丹青獨冠當時，偕蘇黃以投分。從張顧而稱師，際元符之未造，感國是之勞絲。歸山莊而偃息，謝簪紱以棲遲。桐城志：李公麟號龍眠居士。宋史：李公麟字伯時，舒州人。第進士，嗜古多識，奇字。夏商來尊彝鐘鼎皆能考證。世次紹聖末，朝廷得一玉璽，下禮官諸儒議言：『人殊公麟曰：『秦璽也。』議由是定。元符中，歸老肆意於龍眠山巖壑間，雅善畫，自作山莊圖為世寶識者以為顧愷之張僧繇之亞。黃廷堅謂

亮幼想見
三季同遊
之樂

其風流不減古人而因畫為果但以藝傳云重華紀
聞李公麟舒州人今桐城潛山舒城皆載之以桐舒
皆有龍眠山而潛乃唐宋之舒州也宋史元符元年
春正月得泰聖於咸陽潘岳詩投分寄石友白首同
所歸杜詩醉後於是謝墅山環岑陂水聚開荒徑於
當稱老畫師於杜甫花落瓊蹊鳥啼筠塢芝蓋張朝
陶潛插疎籬於杜甫花落瓊蹊鳥啼筠塢芝蓋張朝
茶旗卓午邀二仲以為隣擊九衢而同樹豈惟甲第
聯三抑亦幽棲得伍晉書符堅入寇京師震恐加謝
遂命駕山別墅杜溪陂行岑參兄弟皆好奇攜我遠
來遊溪陂陶淵明歸去來詞三徑就荒松菊猶存杜
詩使插疎籬却在真又慘徑楊花鋪白瓊西陽雜俎
梁簡文延香閣竹林吐芝長八寸蓋似雞頭柄似藕
胡宿詩桐井曉寒千乳歛茗園春嫩一旗開陶淵明
疏隣靡二仲室無萊婦頭陀寺碑九衢之草千計一
疏志李元中懷寧人書翰倣鍾王與風和日美意慙
李公麟李亮功同弟號龍眠三李

寫時在
阿堵
坡公朝伯
時畫博圖
法當呼六
而其
張此福建
予也

宋景濂跋
李伯時馬
性圖但以
妙品許之
殊未當也

心愉騰身入畫信手拈圖妙有成竹驚猶刻鏤詎但
品稱神極蓋緣想託元虛釣桐江之秋水牧彭蠡之
春芻皆寫牛而託意非謬雉於空呼雖誅茅之間適
亦咏檜之嗟吁但挹珠於暖日敢就參於仙都西陽
甯采圖竹林會甚上柳成曰此畫巧於體勢失於意
趣我當入彼畫中治之乃騰身赴圖而滅蘇文忠畫
竹記畫竹必先得成竹於胸振筆直遂以追其所見
如兒起鵲落少縱則漸矣莊子梓慶削木為鐻鐻成
見者驚鬼神廣輿記李公麟作龍眠山莊圖世稱神
品黃山谷題伯時畫釣灘詩平生久要劉文叔不肯
為渠作三公能令漢家重九鼎桐江波上一絲風
伯時彭蠡春牧圖詩岳陽樓上春已歸湖中鴻雁拍
波飛布帆天濶隨鳥道石林風晚吹人衣神仙感遇
傳貞白先生拜表解職因畫二牛一散放於水間一
著金籠一人執繩一杖驅之帝笑曰此人無所不作
欲效曳尾龜豈可致耶國史補崔師本好樗蒲分上

九鯉洞曰此段極力為眠子洗發自時歸隱此山不與龍禍其雖不過門故潛能歸穴蘇黃諸公其過門者竟天下之風效故見忌獨深惡爾所居南接彭澤北望

為黑下為白黑者刻二為犢白者刻二為雉擲之全
黑乃為盧稔信賦誅茅宋王之宅采網且下知湖州
蘇軾獄王珪舉軾詠檜詩以為不臣帝曰彼自詠檜
爾何與朕事軾遂得輕比貶黃州團練副使譚用之
詩驪龍春暖抱珠眠左傳董父好龍能求其嗜欲以
飲食之龍多歸之乃畜擾以服事帝舜氏曰象龍
是以躍不過門潛能歸穴文彩著於當年身名康於
晚節友坡谷而無黨禍之連貌烟雲而有見幾之哲
受蟄法於希夷忘寐思於齧缺嗚呼先生睡足頻驚
學士夢多難說來如此之秉羽多甘揮毫自悅也其
可得也哉魚集門下數千不得上上即為龍廣輿記
陳希夷初隱武當有五老來聽講易謂希夷曰吾輩
日月池中龍也此非君所棲令閑日御風而行頃之
已至華山石上或云希夷睡乃五龍蟄法龍所授也
莊子齧缺問道乎被衣被衣言未卒齧缺睡寐被衣

龍眠雖有聲於士林而潦倒客遊浮沈下位於風教龜無預其躍不過門者也誰為昂之而發野哉莊且六七年前坡公之徒游於翁之徒黑耳且倍之矣而尚不能歸只何耶

大悅廣東通志蘇軾謫惠州時有詩云為報先生音睡足道人輕撞五更鐘傳至京師章惇笑曰蘇子尚爾快活耶復貶昌化別駕安置儋州行歌田野有餘婦年已七十謂曰內翰昔日富貴一場春夢耶軾因呼為春夢婆莊子孫叔敖秉羽甘寢而郢人投兵今則世塗通徹海宇清澄茅茹可拔葑菲咸登天網張南山之鳳雲羅羈北海之鵬蒲乘搜巖而入鶴書訪谷而徵豈遂抱霞終臥將隨躍蜩同升則斯莊之逸翰固可以抑而不稱植書設天網以該之頓八絃以掩之舌樂莊南山有鳥北山張羅鮑昭賦厭江海而遊澤掩雲羅而見羈縻畫蒲輪安車以徵賢北山移文鳴騶矧夫梓澤無存入谷鶴書赴隴張協詩黑蜩躍重淵矧夫梓澤無存輞川安託悲綠野之鳥飛嘆平泉之石掠擅繁華其幾時莽蕭條而易索尋遺跡於茲山庶古人之可作

吳名老人
 曰默齋世
 居田間精
 於農事故
 能言之津
 津然引胸
 有卷舒言
 之恐不雅
 馴既行其
 書及親其
 事所以學
 字下得胸
 中無礙設
 也

王勃序蘭亭已矣梓澤邱墟唐畫斷王右丞維圖
 川山谷鬱盤雲木飛動意出塵外怪生筆端唐畫裴
 度治第午橋號綠野堂李郢詩惆悵舊堂局綠野夕
 陽無限鳥飛遲實氏談綠簪皇公平泉莊周回十里
 建堂樹百餘所奇花異
 草珍松怪石靡不畢致

麥秋賦

以孟夏之月農乃
 登麥為韻。有序

丙子之春邑窘于食望秋渴矣學博先生以此題課

士擬其意云

吳縣徐愛廬先生鑄為邑博以此題課
 士默齋授徒凝碧齋擬之以示諸生為式

海宇登平豐年屢慶泰器魚飛南門星正既漸漸而

占豐乃芄芃而著盛幸免大無之書適當秋至之令

蓋惟美存候時穰由協政宜其辨每勞孫同常稱孟

矣

漢志進業曰登再登曰平山海經泰器多文鱗魚
 見則天下大穰夏小正四月昂則見初昏南門正

諸言初種

此言出苗

南門者星也。春秋大無麥禾。禮月令孟夏麥秋至四月於麥為秋。史天官書凡候歲美惡謹候歲始歲始旦至食為麥。陳琳檄孫權小子爾其初種也。玉律吹未辨菽麥。孟子樹之時又同。

秋金風改夏黃茂積於坻京。白虹繞於離舍。童五尺以深犁土再施而碎杷耨耨麥於墾溝。耨來牟於塊。

罍。禮月令仲秋之月律中南呂乃勸種麥。趙用賢賦近金風而薦實。澁玉露以含芳。詩註黃茂茂美也。范仲淹賦多既如雲寧愧白虹之氣。管子丈夫二犁童五尺一犁。管子斥填宜大菽與麥見是土也。命之曰再施。二七十四尺而至於泉呼音中羽。農政全書耨如犁亦用牛駕但橫濶多齒。耨後用之。正字通下種具一曰樓車狀如三足。犁中置樓斗藏種以牛駕之一人執縷且行且播種乃隨下。韻會稱稻田種麥蔬田曰墾。集韻既而金行旺矣。地氣達之甲從內坻耨麥下種也。

苗向外披松鍼瘦損雄帶寬移驅老鴉之翻拾待薦。

此言浮浪
開花

新句

草堂外負
鮪之能。祠經風霜。以常茂。壓霰雪而不萎。儼志士之
厲節。如君子之得時。本草綱目北麴性溫南麴性熱地氣使然也三齊畧記黃山生
細草如薤葉。土人謂之康成書帶。禮月令薦鮪於寢
廟。乃爲麥祈實。蘇頌本草大小麥秋種冬長。春秀夏
實。具四時中和之氣。故爲五穀之貴。高駉至於臘盡
庭瑞麥賦。凌玉霜而表勁。挺金莖而孤植。寒輕陽回凍歇潤穀雨以含濡翹金莖而竦竭浪浮
侵曉之烟華。逼中宵之月草。宅不教生繩。陵陂翻愁
蕪。沒少婦荷新鋤。輕花沁羅襪。驚翁孺。以飛翬。長第
兄而掩袞立。欲能疏膏。猶工發諒。久鬱之必通信。繁
興之盡勃。歐詩野潤風搖麥浪寒瑞麥賦通日月之光華得雲雨之攸利周晝務耕而不耨維
草春其宅之既秋。而不獲維禽其饗之秋。官薤氏掌殺
草春始生而萌之夏日至而夷之秋繩而芟之冬月

熟言其成

至而起之莊子青青之麥生於陵陂陸詩雙女憂種
租葉去兒童耘麥荷耰歸杜詩細麥落輕花樂府雉
梁無以吾翁孺佳子頤信賦萍始綠而藏魚麥纔青
而覆雉呂氏春登凡禾之道不俱生而俱死是以先
生美米後生爲糲是其耨也長其兄而去其弟國語
王畊一畝註一耨之塏也亦作堡更記深畊穡種立
苗欲疏國語陽樂當夫風涼巷邃雪白花重新蠶簇
俱烝土膏其動當夫風涼巷邃雪白花重新蠶簇
上舊燕巢封裙齊腰而叙小扇薄翼而紈鬆共絲香
於乍曬沃梅雨於初濃乃見先於五穀真望慰於三
農芒礫長鬚之狀實含怒目之容開兩岐而瑰麗聚
九穗以稠穠稽瀏漓而易滑粟礪砢而難舂陸詩灑
秋水滿陰陰門巷麥風涼范成大詩梅子金黃杏子
肥麥花雪白萊花稀陸詩新麥熟時蚕上簇晚鶯啼
處柳成陰續博物志燕唧泥避戊巳日則巢固不頃
按燕有二種俗呼麥熟去者爲麥燕稻熟去者爲稻

燕李義山詩裙袂芙蓉小釵茸。燕麥長稠而頸族薄翼而鮮色。陸詩日長巷陌晒絲。
香雨霽郊原割麥忙夏小正祈麥實麥實者五穀之。
先見者故急祈而祀之也周禮註三農山農澤農平。
地農也玉海開元八年平原麥一莖兩岐分秀纂要。
永嘉中姑臧麥一莖九穗樂府栗穀難舂付石臼做。
衣難護別有融澤良移崆峒熟迫麩飛明蛤之灰粒。
付巧婦實真珠之琲全無厚殼之遮但有輕皮之在雖從半。
夏徐収亦可先時預待珠謂含何嫌看礪乃小熟重。
於農家四秋協夫元宰。拾遺記融澤五穀皆良有延。
暢六府有輕心麥食者體輕有醇和麥為麴以釀酒。
醉累月食之凌冬可袒有含露麥穠中有露味甘。
如飽杜詩崆峒小麥熟且願休王師廣雅機謂之麴。
玉篇麥麴麥殼破碎者本草綱目北人種麥漫撒南。
人種麥撒撒北麥皮薄麩多南麴反此。陸龜蒙賦稻。
名牛夏葉號恆春莊子生不布施死何含珠為。陸詩

此寫登字
正面

勞場之
下段轉接
方石辨

起蠶初放食新麥已磨餅范成大詩二麥俱秋斗百
錢田家喚作小豐年管子歲有四秋而分有四時
是則銀縑既帶石粒先凝大軫風雖足御介休雨恐
無恆戒收成於勿緩總銍艾以齊興連牛車而袞袞
割雲海之層層新婦分科將養老翁持券堪憑來香
風於隴畔聞鍼水於溝塍接青黃而賑乏聯先後以
同登雪飛羅而宜重精鼓葵以真能詎捻喉於艱食
宜獻瑞於休徵仰神功於不宰嗟大澤其何宏許敬宗賦
對銀縑而偶稊並金縷而分芒神仙傳李筌至驪山
逢一老母曰吾有麥飯相與爲食已失老母所在但
留麥飯數升於石上纂要大軫國貢碧麥食之御風
酉陽雜俎介休百姓夜止晉祠夜半有人叩門云介
休王暫借霹靂車某日至介休收麥至其日注雨如
縷風吼雷震凡損麥千餘頃歸愚詩集補禽言割麥
直望外集卷之二麥秋賦

以名面作
取
繁縷經營
掩抑無盡

捕禾新婦下田黃秧分科歸來煮飯養阿婆陸放翁
禽言老翁尙健打麥持作飯終歲隴畝間勞苦孰敢
怨人生爲農最可願得飽正如持左券確春樵爨小
饑香豈不勝汝耗太倉口口詩麥隴風來餅餌香蘇
詩註蜀人以細雨爲雨毛稻初生時農夫相語秧鐵
水矣東哲餅賦重羅之麩塵飛白雪莊子支離疏鼓
笑播精足以食十人晉五行志昔年食白飯今年食
青麩天公誅謫汝教汝捻喉嚨喉嚨喝復喝京口敗
復敗王海李若乃家無厚貲年殊歉阨餅裏陳粟無
必獻瑞麥餘機中新絲又索徒存鵠面之形將化猪都之魄侯
垂實以難期縱催場而何益始擢穎而低頭尙含花
而未核乃摘穗以磨漿復麩芒而浮液每蜚舌而慘
喉豈厚腸而肥革延殘喘於須臾與濟微生於逼迫不
見野婦含泪行日日田頭剪青麥

通賢歌鵠形累累
口生微齒割餓葦

無完肌季商隱詩只是縱猪都注舊說一姓姚二姓
王三姓汪昔值洪水食都樹皮餓死化為鳥都皮骨
為猪都婦女為人都都在樹根居者名猪都在樹半可
攀及者名人都都在樹尾者為鳥都南中人多食其巢
味如木芝放翁詩候雨占秧信催兒築麥場劉熙釋
名煮麥曰楚楚之為言齠也言齠爛也列子昔人有
美我菽甘泉莖芹萍子者對鄉豪稱之鄉豪取而嘗
之蜚於口榛於腹眾哂而怨之陳藏器本草麥麩補
虛久食實人膚體厚腸胃強氣
力禮運膚革充盈人之肥也

桃花賦

簡深

此賦首尾
輕綺可誦

丙子之春館凝碧齋齋外二桃甚小初解花灼灼可
人一夕為風雨妬難哉其為色也感而賦之其詞曰
伊初桃之新采當艷裔之陽春牽游絲於綺陌繞飛
絮於芳塵梁簡文詩初桃麗新采照地吐其芳吳均
曲艷裔陽之春攜手清洛濱拾遺記石虎

春雜寶異香爲屑使數百人於樓上吹散之名曰芳塵臺未散深紅猶含淺紫凝
眄而笑春風微輦而對流水遮藏葉底美人頰面佯
羞嫵娜枝頭少女花容自喜謝靈運詩原隰黃綠柳
桃含可憐紫柳發斷腸青沈約白紵歌蘭葉參差桃
半紅飛芳舞縠戲春風劉遵詩鮮膚勝粉白曼臉若
紅君夫輕含早露淡抹微霞似垂茜袖如披絳紗折
纖腰而欲舞掩巾拂以將斜銀浦朝開初引漁郎之
棹瓊筵夜坐新簪學士之花李賀詩銀浦流雲學水
聲桃花源記武陵人捕
魚從谿行忽逢桃花林漁人捨船况乎兩美爭妍雙
步入雪白桃園序開瓊筵以坐花珠競媚配繡閣之娘
姨偶春園之姊妹儼對月以臨
矜恍凌波而把袂惜擁背以生憐訝平眉而教剝神

俗呼像塔
為睡粉簪
中流鄭戲
皆配李燕
秋安為連

藥粉荷台

記劉晨阮肇入天台採藥遙望山上有桃樹子熟遂
躡險援葛至其下嗽軟枚飢止體充欲下山出大溪
邊有二女子忻然如舊相識曰來何晚耶因邀還家
俄有羣女持桃子笑曰賀汝瑁來酒酣作樂夜後各
就一帳宿婉態殊絕陳後主詩餘春尚芳菲中園桃
與李陸游詞霽景風軟烟江春漲小閣無人繡簾半
上花外姊妹相呼約樗蒲藥府桃花落已盡愁思猶
未央春風難期信託情明月光飛燕外傳合德擁
燕背庾信鏡賦鬢若其舒英玉間解珮金閨脂分
齊故掠眉平猶刺
暈髮紛初齊冰花藻散幾馭鳥棲年何須待玉已同
并真能宜室本自成蹊新妝暫任嬌鶯漸啼壁生菱
而照粉筵飛盞而傾綈小拆丹房羞澁破瓜之早細
裁紅片依稀却扇之低
廣肩吾詩桃花舒玉潤柳葉
暗金溝梁元帝詩三月桃花
合面脂五月新油好煎澤莫復臨時不寄人漫道江
中無估客儀禮注紵結髮陳后主詩春光反禁苑暖

日暖源桃迴歌逐轉機浮水隨度刀為棲曲倡家高
樹鳥欲棲羅帷翠帳向君低陳后王詩日照源上桃
風搖城外柳遠樹帶山高嬌鶯含響偶廣信鏡賦臨
水則池中月出照日則壁上菱生狂陽篇元藏幾為
過海使判官忽達洲島洲人曰此滄洲乃山桃花酒
飲之神氣清爽周禮疏緹齊其色紅故以緹為名歡
好曲窈窕上頭歡那得及破瓜但看脫葉蓮何如芙
蓉花鄴中記乘輿用桃枝扇紫紺色桃葉團扇歌七
寶畫團扇粲粲明月光與借如三月之錦浪翻濤七
郎却隨暑相憶莫相忘
夕之紫烟排障照衣秦后牀邊送枕荆王臺上王家
根葉同憐。漢殿始環相向惜顏色之全新特仙姿以
無恙。漢武內傳七月七日夜二更王母乘紫雲之輦
以玉盤盛仙桃七顆梁江南曲枝中水上春併歸長
楊掃地桃花飛清風吹人光照衣吳筠詩咸陽春草
芳秦帝卷衣裳季義山詩楚妃初薦枕漢后共藏鉤
樂府桃葉復桃葉桃樹連桃根相憐兩樂事獨使我

潛然

殷勤諾卑記西王母姓楊諱回一日婉妗漢武內傳
王母遣侍女郭密香與上元夫人相聞夫人答云阿
環再拜上問起居俄而夫人至上殿向王母拜王母
坐而止之呼同坐北面劉廷芝詩洛陽城東桃李花
飛來飛去落誰家洛陽女兒豈意三千年促十八姨
惜顏色行逢落花長嘆息
來葬西施以紅雨指南威于碧苔悲綠珠之湓布惜
紫王之寒灰尋花扉而索笑依露井而增哀漢武故
獻短人上呼東方朔朔至短人指朔曰西王母種桃
三千歲爲子此兒不良三過偷之矣博異記封十八
姨乃風神也集異記王炎元和初夢遊吳侍吳王聞
室中出輦鳴簫擊鼓言葬西施王悲悼不止立詔詞
客作挽歌炎遂應聲作歌李賀詩桃花亂落如紅雨
陳后王詩車輪上瑞暉西北照南威南威年二八開
鴈敵重關江總詩自悲行處綠苔生何晤啼多紅粉
落機儂歌絲布滿難縫令儂十指穿黃牛細犢車遊
戲出孟津桃花賦又似綠珠輕身墜樓殿異傳吳王
夫差小女曰玉說童子韓重氣結死已葬矣杜梳忽

見夫人出而抱之正如烟然李義山詩春心莫共花
爭發一寸相思一寸灰本事詩博陵崔護清明日獨
遊都城南莊扣門久之女子開門設牀命坐獨倚小
桃斜柯佇立意屬殊厚崔辭去送至門入不勝情而
入及來歲清明往尋門已扃鎖因題左扉曰去年今
日此門中人面桃花相映紅人面不知何處去桃花
依舊笑春風後數口復往聞有哭聲扣門問之有老
父出持崔大哭崔亦感動請入哭之開目復活老父
大喜遂以女歸之樂府相如曲桃生露井上李樹生
桃傍蠱來齧桃根李樹代桃僵樹木身相代兄弟還
相嗚呼好色易衰繁華速朽冷淡可以耐時歡娛豈
能長久彼夫南國麗人東都妙耦玉貌絳唇蘭心蕙
口未遂結子之貪莫防帶及之咎君寧見歌舞場中
幾堪回首也哉晉子夜歌春桃初發紅惜色恐儂摘
朱夏花落去誰復相尋覓外傳齊桓
公出遊遇一丈夫衰衣應步帶着桃爰公怪而問之
曰桃之爲言亡也曰日慎桃何患之有故亡國之社

破題

緣起

以戒諸侯庶人之戒在於桃爰

菱湖夜月賦

以影落千峯光涵一鏡為韻
安慶志名勝菱湖夜月

湖入秋澄月當夜靜微翻菱葉之風乍露桂花之影

薛道衡詩朝朝散霞彩暮暮澄秋色百帝子歌驅光

逐影窮水域璇宮夜靜當軒織季巨仁詩無風菱自

動不夜月恆明溫庭筠詩湖上微風入檻涼翻翻菱

荷滿迴塘望江南曲光景好輕彩望中斜清露冷浸

銀鬼影西風吹落桂蓋其遠映層峰近聯疊郭照雉

枝花開宴思無涯

璫以參差望龍山而隱約金波麗以交榮玉鏡飛而

倏落嬌妃羅襪頻凌素女霓裳新著

公孫乘月賦隱

修璫而分鏡謝眺詩金波麗鳩鵲王繩低建章樂府

藁砧今何在山上復有山何日大刀頭破鏡飛上天

洛神賦凌波微步羅襪生塵西歸月宮舞霓裳月當

賦集素娥於廣庭庾信鏡賦梳頭新罷照看衣

唐詩

唐詩

上

夫水嬉初設夜賞尤憐濤紋縠皺烟縷絲牽鶴飛過
壁見睡驚船圓靈迥淨軒幌徐褰徹珠宮而同照倒
瓊岳以虛懸翠影沉時杯一綠楊籠處家千虞世南詩
銷輕縠鮮雲卷夕鱗狂詩沙上鳬雛傍母眠月賦柔
祇雪凝圓靈水鏡吳都賦張組幃構流蘇開軒幌鏡
水區元歌紫貝闕兮珠宮南唐書李家有明亦優人元
宗失江北遷豫章望皖公山曰好青峭數峯不知何
名家明對曰此舒州皖公山也因獻詩曰皖公山縱
好不落御觴中元宗嘆息罷酒去又詩云龍舟輕颺
錦帆風正值宸遊望遠空回首皖公山色翠影斜不
到壽杯中溫庭筠詩遺業荒涼近故都門前隄路枕
平湖綠楊影裏千家於是濤含芰芡水泛芙蓉蓮姬
月紅藕香中萬點珠
歸港菱女藏踪當火雲之受洗伊水華之正濃對湖
光而徙倚步月檻以雍容皖方攘許眉旋蹙峰淚瑩

衣砧之冷。風吹裙帶之鬆。讀曲千葉紅芙蓉照灼

擺儂蓮。召氏春秋早雲烟。火雨雲水氣蘇詩火雲勢

方壯未受月露洗。高僧傳北齊釋曇遷感疾夢月入

懷劈而食之脆如冰片。許渾詩淮月未明先倚檻海

雲初起更維舟。洛神賦懷皓腕于神許。今來滿瀟之

元芝謝無逸詞。夕陽樓外晚烟籠。粉香融淡眉峯。殷

英童採蓮曲。蕩舟無數伴解纜。自相催汗粉無庸拭

風裙隨其或漁篷驚露釣石微霜。依蒹葭而散彩。亂

藻荇以交光。不辨澄輝之遠近。誰分淨練之短長。起

榜歌而飄厲。看壁影以淒涼。月湧湖心。虛認倒空天。

碧湖涵月魄。微粘數點星芒。胡宿詩小湖香艷戰芙蓉

莊月賦降澄暉之靄靄。謝眺詩餘霞散成綺。澄江靜

如練。蜀都賦起西音于促柱。歌江上之飄厲。庾抱望

月詩忽對荆山璧。委照越吟人。杜詩星隨平野濶。月

湧大江流。祖孫登蓮調船行疑汎。迥月映似沈空願

分著概哨
以舊舊策

一酒掃耳
倚經部議
得如此

逐琴高戲乘魚入浪中江總詩金兔猶懸魄矧其楓
銅龍欲啟扉枉詩迴眺積水外始知衆星乾
江葉冷蘆渚波涵鴈失羣而離北鵲繞枝而向南羈
旅之情何極般憂之感不堪歌有採菱之怨酒無對
月之酣仰仙舟而欲渡躡蟾窟以虛探皎皎孤光掃
殿之遊曾與盈盈一水乘槎之去非諳唐文苑傳崔信明自矜其
交時有鄭世翼者遇信明江中謂曰聞公詩有楓落
吳江冷願見其餘劍俠傳唐潞州節度使薛嵩家青
衣紅線辭去座客冷朝陽爲詞曰採菱歌怨木蘭舟
送客魂銷百尺樓還是洛妃乘霧去碧天無際水空
流陶淵明雜詩欲言無予和揮孟勸孤影李白詩舉
盃邀明月對影成三人竹書紀年伊華夢乘船過日
月之旁博異志秀才白幽求過海見有山林乃整棹
望之及到山半腹有城壁臺閣問此何處也曰諸真
君遊春臺也山東西爲迎月殿又有一宮觀望日至
申時明月出矣諸真君各爲迎月詩曰白幽求已充

水府使有勞績便與遊春臺灑掃古詩盈盈一水間
脈脈不得語拾遺記堯登位三十年有巨查浮於西
海查上有光夜明晝滅海人望其光乍大乍小若星
月之出矣查嘗浮繞四海十二年一周天周而復始
名曰貫然其精交龍女之宮彩射蛟人之室照漢浦
月查
之明珠曜湘波之寶瑟泛畫舫於空明出重輪而肆
流尊絲滑酒終問仙關瓊樓桂斧粘花欲雕新宮瑤
碩仰貞明而寡雙頌至人於得一
逸史蕭復弟至沅江口理南風俄蒼
頭掉畫舸至蕭登之行一里餘見二美人曰知君善
南風受於何人生具言狀美人流涕曰父舜也某卽
舜二女受此曲年多忘之復以畫舸送生歸徐儀望
月詩重輪入雅曲合璧應祥經晉書張翰爲齊王問
掾見秋風起因思吳中蓴羹鱸膾命駕歸蘇詞明月
幾時有把酒問青天不知天上宮闕今夕是何年我
欲乘風歸去又恐瓊樓玉宇高處不勝寒起舞弄清
影何似在人間西陽雜俎月中桂樹一人斫之其人
詣竺外集

姓吳名剛宣室志李賀卒夫人哀不自解一夕夢賀
來曰某非死也乃上帝命上帝近者遷都於月圓
新宮命曰白瑤召某與文士况平月合如盤湖平似
共爲新宮記說文碩柱下石
鏡占鯨壑之澄波窺幾臺之齊政昭回於天照臨惟
聖祥開慶爛之輝頌進光華之詠固將升金掌以晶
瑩共瑤光而掩映豈徒生芷澤之芳馨樂莎汀之游
泳也哉竹書紀年舜十四年慶雲見百工相和而歌
慶雲帝乃倡之曰慶雲爛兮糾綬綬兮日月
光華旦復旦兮杜詩卿月升金掌王春度玉墀蕭琮
詩玉衡指棟落瑤光對幌留徒知仰閭闔乘槎未有
由

愁霖賦

有序。丁亥於
銅陵署中作

邇年天漏莫補。沮洳愈甚。自春夏來。見杲杲者若限。

此賦擬古
雅近楚騷

以數不得常親。閉戶憚處。惟聞爆竹震瓦聲。骨母深
入魚鱉遊街市。城存三版而已。草閣夜寒。三伏如冬。
意謂秋陽當令。或大得暴背一快。乃西郊迓後近月
矣。而霖如故。抑益加。何愁吾人者。至斯極也。昔陸士
龍作愁霖賦。情緒危苦。但彼悲夏日之方永。此乘秋
氣之變衰。秋之爲言愁也。切情偶景。故愁其辭云爾。
枚乘七發通厲骨母之場。史河渠書汎濫不止。兮愁
吾人陸雲愁霖賦。毒甚雨之未稀。悲夏日之方永。采
玉九辯悲哉。秋之爲氣也。
蕭瑟兮草木搖落而變衰。

何皇天之濫淫兮。又甚此秋霖。雲霏霏而承字兮。長

覆日而蔽露。

九辯皇天淫濫而秋霖兮。后土何
時而得乾。九章雲霏霏其承字。走雷

師之衙衙兮挾雌雄而驕恃目礪碑而相交口嚙噓

而不可止莊辭注衙衙行貌管窺輯要有雄雷雄雷

笑也杜注引此謂開前殷殷而自慕兮後飛廉使奔

口流光今電是也屬驚萍號之驟起兮乃傾凍而暴麗天問萍號起雨

使凍雨兮灑塵嗟江斐之不仁兮會羣陰而苦吾人

集韻露暴雨也汎濫靡所疑兮杳巢窟之無存吳都賦聘江斐與神

何不恍兮忽聊兮慄叢薄深林混汨汨兮名發恍兮忽

混汨汨兮招隱上同兮忽兮恍忽兮恍兮忽

慘兮栗叢薄深林人上裸忽兮恍忽兮恍兮忽

浩瀟瀟兮比發忽兮恍兮慨稽天之巨浸兮幾后土

之能乾悲減寸而增尺兮徒推波而助瀾文仲子適

瀾縱風陽侯坐人室堂兮巨介鼎頂而婆娑乎市井

止潦雨而蝮虺庭兮金有遊魚寵生怒黽潘尼苦雨賦

於門闔蛙蝦嬉於中庭成公綬何闐闐之可託兮掩

蘆扉於山椒終漂泊之難固兮捲狂風而落均杜詩八月

秋高風怒號捲我屋上三重茅茅高婦子之愁悴兮

者挂臂長林梢下者飄轉沉塘坳南史

慘龜腸而鵠面淚雨注而濤流兮兩汪汪而濺濺

蟬腹震鱗樂而長吟兮離禽愁而禿尾莽芒芒之無

儀兮常銜涕而曲偃繫辭震為離為日杜詩風雨時

禿翅鰭沙更日尋于三足之鳥元章穆眇眇無垠兮

莽芒芒之無儀禮閣傳三曲而偃注倏餘聲之委曲

誅豐隆之狂攘兮竄霹靂之吐施竊號令而襲用兮

叔古明

此圖就名
樓以著為
學之道章
法整齊詞
旨古雅

其罪固有所必治離騷吾令豐隆乘雲兮逞豐隆雷師又選賦霹靂列缺吐火施鞭論

治識注雷聲諸侯之推紅輪而無所障兮照此茅屋政教所至相附近也

山戢戢之羣頭兮何當依末光而脫魚服吁嗟乎萬

族嗷嗷望穿目盧全月蝕詩天見堯心憂勃然發怒決洪流天高日走沃不及但見萬國

赤子戢戢生魚頭詩哀鳴嗷嗷

萬鶴樓賦雙翅凌霄丹頂摩雲為韻時以課諸生為韻限

秀屏書院前門高啟朝向不佳壬寅春默齋先生因

其高而樓之塞坤開艮移祀魁星其上丹其觚稜以

像鶴頂接後檐旁仍其故牆像雙翅對張翔起得勢

圖寫衆鶴滿廡壁間顏曰萬鶴樓偕同官朱博士涵

馮公恩客
神韻幽光
自是此與
先生面為
陽春之國
成多三聖
也記

齋王司訓藻川吳少公商彝賓友陳葉齋盛君穀胡
君鄭君陳生落成之諸生數十百人列席樓下以次
稱觴上壽酒酣樂作客有馮生者奉簡而進曰竊聞
鶴乃羽族之宗長羣仙之騏驎鳴則聲聞於天飛則
一舉千里因金氣依火精與文明之象相符噫其義
懋矣美矣竊擬其意而賦之其辭曰

鶴樓高翥發曜茲邦坐坤基以面艮挹斗極於瑤窓
臨晴空而欲起凌碧漢而難降摩太清而橫拂排元
象以衝撞惟數盈於既萬斯美擅於無雙原夫玉印
右暉秀屏左翠納掌鳩於前朝繞盤龍於後隊翼廣

雲

雲

院而綽寬帶女牆之明媚。跂藻宇於碧虛。拔飛甍於平地。翔千仞而啄星。吸九臯而呼類。似警露而騰身。將乘風而軒翅。此皆神明之所依憑。支持憲哲。睨而鍾地利者也。神勸志王印山即白塔山也。秀屏山在邑城西。寧馬河盤龍河俱近城水也。黃龍山在城北。神明依憑支持以保漢室。又應龍應天上靈寶附注營室也。蓋其高因故構。瑞啟新徵象。天星之移轉。得面勢於危層。並三台以照曜。聯四輔於清激。隨魁杓之攜枕。湧樓閣之峻嶒。魁躡鰲而踟躕。樓翼鶴以軒騰。依火精而璀璨。因金氣以鼓蒸發。文明之符彩。許健舉以飛升。負仙羣而共翥。過雲路以齊凌。其爲樓也。則黝扉幽發。素壁清

此出王人
 謝靈運
 呼音為
 運檀

寥玳梁斑駁玉桂岩堯其象鶴也則乍含丹於星頂
 倏摧皓於雲翹展素蜺之雙翅亂紫露於重霄其為
 萬也則將淋漓之衆子遊沆瀣於清朝其遙望若明
 珠之離離覆遠空而光昭即而視之則瓦鱗紛綫嘯
 海蜃而剖江瑤鮑照舞鶴賦精含丹而星曜頂凝紫
 參淋漓羽毛始生之貌謝惠連雪賦若其主斯樓者
 焉夷剖蜂列明珠謝莊月賦白露暖空
 則有仙伯焉共字為速檀作大荒之部長兮溥淳化
 於諸蠻因道成而控鶴兮招伴侶之仙官於是會稽
 朱仲弄珠盤桓王子晉吹笙而倚檻吳世雲揮扇而
 憑欄陳安世期京兆之樹下盛宏之記荊州於筆端

憐予馮俊負重蹢躅入廬山之洞穴得胡麻之飽餐
陪文康之老胡列陳鄭之樽壇共噉瓊醞毓咀金丹
奏鈞天之廣樂聽素女之哀彈牽莎羅之柔轡控藻
質之修翰望蓬壺於咫尺弄日月於跳丸若浮空而
不定究坐背以能安隨四遊於地運圍八極於眸看
周捨上雲樂西域老胡厥名文康季白詩大道是文
康之嚴父元氣乃文康之老親撫頂弄盤古推車轉
天輪天人感吸沆瀣兮餐朝霞咀嚙之英兮噉瓊華
噉音機拾遺記方丈山莎羅細大如髮一莖百尋柔
軟香滑羣仙以為龍鵠之響舞鶴賦鍾浮曠之藻質
抱清迥之明心指蓬壺而翻翰望崑閬而揚音周辭
地有四遊魏都賦八極可圍禮既成矣讌既歡矣仙
於寸眸萬物可齊于一朝

乎仙乎待空搏矣於是先生聞客所稱乃重宣此義

黃勳蒼白
以鶴論學
兩設恰好
相對其奇
初得未會
自然皆主
言也

而說教言曰。若亦見夫鶴乎。其生也二年而落子毛。三年而赤其頂。七年而飛摩雲漢。又七年而學舞英。挺復三年而舞能應節。然後矩步規翔之踰倫等也。夫豈速成乎哉。宮夢仁紀數畧。鶴有八變。生二年落子毛。易黑點三年。頂赤羽翮具七年。善飛。復七年。舞應節。復七年。晝夜十二時應律。六十年不食生物。大毛落茸。毛生潔白如雪。復百六十年。雌雄相視而孕。六百年飲而不食。與鸞鳳同羣。按比相鶴經。微有不同。經云。千六百年飲而不食。疑紀數遺千字也。舞鶴賦指。夫才須學也。學須迴也。古之教會規翔。臨岐矩步。者。比年入學。中年考校。一年離經辨志。三年敬業樂羣。五年博習親師。七年論學取友。而小成頌焉。九年知數通達。而大成燭焉。固與十六年小變六十年大

變不辭其鼎鼎也。鑒於鶴之名，是可與語道矣。禮樂記比

年入學，中年考校，一年視離經辨志，三年視敬業樂羣，五年視博習親師，七年視論學取友，謂之小成。九年

知類通達，強立而不反，謂之大成。紀數畧：鶴三年變

七年小變，十六年大變，百六十年變止，相鶴經七年小變而飛，薄雲漢，復七年鳴，中律百六十年大變，蓋

不食生物，復百六十年變止，千六百年飲而不食，蓋用功深者，收名遠，用物宏者，取精多。懸衆間而獨出，

隨相善，以謂摩懼。蕤蕤之誚，責矯霜雪，以婆娑恐修名之，不立常矢，死以靡他，宜其閱千六百年而形定

色白也。學者有鑒於此，有不窮天步而高尋乎哉？莊子

以十仞之臺懸衆間者也。世說：劉遵祖少爲殷中軍

所知，稱之於庾公。庾公甚忻然，便取爲佐。旣見坐之

獨榻上，與語，劉兩日殊不稱。庾公失望，遂名之爲羊公。鶴昔羊叔子有鶴善舞，嘗向客稱之。客試使驅來

本日螺案
疊置里俗
因蝶聚被
以此名先
生因而成
之以文消
稽耳李誠
經記

翫翫而不肯舞故稱此之舞鶴賦驚身蓬集因爲之
矯翼雪飛又而日域以馳驚窮天步而高尋
亂曰玉羽玲瓏隨霧氛兮文章綺靡足懼欣兮逸翮
超騰聯萬羣兮蕩心晃目流縵紛兮振興鼓舞共凌
雲兮奎章璧篆蘊典墳兮率璣元氣長氤氲兮翡翠
蘭若奚足云兮

螺峰蝶萃賦

以蝶回兆豐比蚌還池爲韻
有序。螺峰在府城內東北

滇之故老傳有螺峰蝶萃勝景每至則兆豐年余在
滇久不見斯景辛亥四月朔驚傳見於峰東二楸上
老少奔波男女塞路爭爲招邀如喜徙蚌忽還合浦
也殆賢大夫治如孟嘗乎余隨諸老扶杖往看喜勝

九鯉仙曰
默齋爲此
賦是秋果
大有年筆
補造化天
無功始然

景之復見。老病之徒久。從蝶化依麗德宇。無以爲報。故藉斯瑞。以課諸生。爲限以韻。而進頌言。

城東北隅。爲螺峰。刻削狎獵。青碧之石。破土而出。纍纍重疊。若螺髻之縮。佛頂莊嚴。妥帖而峰以名焉。迤而左。爲昆明之署。右則圓通之寺。雙著佛頰。其上則橫檜松栢。楸梓桤櫨。牽峰勢而東躡。踰雉堞而逼于郊。若翩翩之驚蝶。斯蓋仙靈之窟宅。故仙羽常來。環寺之古樹。燦爛如堆。鬚承尾接。懸瓔珞而屬地。類珠串之出胎。兒女歡忭。繞樹千回。卜豐年之瑞兆。常在孟夏之恢台也。夫何一斷消息。竟不來擾。如鳳去閣。

形容
穠字

似龍離沼。若戒巢卵。爲驚胎夭。匿翼戢羽。散羣斷僚。
減豐增嗇。收祥委兆。父老怨咨。士女悲愀。緬勝景于
銷沉。想靈期于縹緲者。二十餘年矣。報言夏朔。勝景
見焉。於城郭東。聚雙楸上。奔走兒童。一二華顛胡老。
乃招予扶筇。造其下焉。睹鱗萃之爲工。其緣枅承葉。
分屯列隊。若連幕褰帳之。餅幪兒童。拔樹而上。援其
柯而振之。則圓雪碎錦。驚透輦散。飛舞乎空中。忽星
離而雲罷。部伍各招。仍別野而分叢。猶未睹其排字。
垂纓也。已爲奇絕。得所未有矣。流寓病翁。支離其躬。
睇斯奇景。瘁貌忽豐。如韓子之。眠衡峯。蘇子之。睎海。

螺蚌石
次王者以
為壁之系
李厚岡曰
螺蚌徒涉
陽春地至
之極其此
賦公謂
淵明乞食
宜細和貽
大類考者

草堂外集。卷之二。螺蚌萃賦。主。市足翹手。忤而信我人。阨而非天窮。於是鑄耳貝額。之氓。睢盱揶揄。曰此吾地。豐年之慶。賢大夫感召之功。豈為迺公也哉。自賢大夫之蒞止。發金馬碧雞之光儀。增華山滇池之明媚。神騁其靈物。獻其瑞亡者。胥歸散者斯萃。故螺峯之蝶。復回猶珠池之珎。仍至非此比乎。且其萃也。系兩文楸。如壁之蚌。厥華素蕤。攢珠綴蚌。白花曰楸。亦楸梓項名。萬年枝其義可講。楸卽扭也。詠于北山。樂止保久。君子閒閒。歲亦有秋。蝶亦來還。我民之樂。新唱麗嫺。詩曰。螺攢千佛頂。蝶萃萬年枝。壽字排應出。薰風起乍吹。微香因附麗。薄

口脂默齋
殆其然乎

漢晉之東
雖化許大
路有河江
南越塚
江胡之旅
延替於
此時陳
亦旅知
助歸其
於鄉甚
旅盛之
悲風告
人變引
賊申所
也

羽亦差池。景福邀君子。豐亨正及時。於是寓公病翁
之徒。心折其詞。乃爲之賦。寫而獻之。

悲旅瘞賦有序

溫序思歸。遙形夢感。陸機嘆逝。每爲淒涼。魂魄雖無
不之。首邱終歸。必正。雖以射聲垂惠。廣漢敷仁。孤竹
棺瘞於廉。翻洛城骸收於周。暢共推澤。無不及。究殊
鬼有所歸。何如戴封之於石。敬平。范式之於陳。平子
或以齎糧爲市。或以裂素遺書。獨往奔程。送喪歸里。
其敷揚義烈。感慰徂存。尤至矣。吾鄉陳君德垂吳下。
知名。景東爲客。遊踪遍滇南。蒙詔假館倚城北。徐公

城北徐公
著署永北
廳徐延竹
圃也時竹
圃休官無
力致程肅
以歸

一起千言
萬恨有說
不出說不
盡之苦

豈意詞客過孔璋之墳。偏逢主人構章禹之難。縱望
仲弓德曜。難供孺子生芻。罹災感自於徐陳。敦誼風
希於戴范。惟以悲哀為主。不無危苦之詞。後漢書載
封字平仲
年十五詣太學。同學石敬平。溫病卒。封養視殯。歛以
所齋糧。市小棺送喪。到家。家更歛。見敬平。時書物
皆在棺中。乃大異之。范式字巨卿。受業太學。長沙陳
平子。亦同在學。未相見。平子將亡。謂其妻曰。吾聞巨
卿可以托死。吾沒後。但以尸埋其戶前。乃烈素為書。
妻從其言。時式出行。還見書。愴然感之。向墳揖哭。以
為死友。營護平子妻兒。身自送喪於臨湘。未至四賦
五里。委素書於柩上。哭別而去。兄弟尋求不復見。
賦曰
噫。吁。嘻。乎。哀哉。滇。關。倒。鎖。滇。海。倒。流。鐵。圍。阻。塞。鐵。汁。
翻。浮。毋。輕。涉。足。不。易。回。頭。彩。雲。原。幻。毒。瘴。難。收。死。逢。

一道殊疏
耳幾作賦
假便有江
聖賢之
思乃情發
儒生新化
治爲雅之
法

土伯生作山囚歛魂拱木積骨荒邱旣繫繫而不辨
况疊疊以如稠傷陰風之慘慘聽鬼哭之啾啾土人
告予曰此江南義塚也傍乎歸化禪寺而當行旅往
來之道周悲哉生長江南風流人物僑族清華才情
芬鬱字妙鸞箋談揮塵拂或橐筆而行遊或腰章而
遠迄或擁貨以馳驅或尋親而假乞去牛斗而捫井
參離坦夷而窮崛岉因此牢纏溘然沉坳悲哉虞棺
轉櫛旅瘞蠻荒魂飛鬼宿魄沉鬼方陽被輕於大鬼
主陰受制於大鬼王盼粉榆而不見依蔡薺以潛藏
塚風迅薄邊月荒涼詔雲迷漫海氣蒼茫浮梗行踪

叙江南樂
雖死亦得
所樂即死
意中後之

長街孤墳之恨如花伉儷永絕同穴之望。骨月想魂
於萬里門閭倚淚以千行。況乃日久年深塚頽碑斷。
祭掃誰供樵蘇孰扞。木禿山童泉侵棺爛穴入牲麗。
牧隨焚爨縱結碧雞金馬之山隣。詎如要離伯鸞之
墓畔。曩先今後惆悵而問冥漢。君得果尋因虛無而
求阿羅漢。豈意江南三月山山翠微離花滿樹羣鶯
亂飛。值清明之令節。趁拜掃於晴暉。簇連雲之冠蓋
聚耀日之珠璣。散紙錢而飛蝴蝶。陳墓俎而薦封豨。
兒女歡笑兆域崔巍。想衛公之可畏。知溫序之思歸。
乃作招魂之歌。歌曰。魂兮歸乎。來南方不可以止些。

結意

蝮蛇。綦綦。封狐。千里。些。蛇。鑽。死。窟。狐。竄。龍。悲。哉。旅。瘞。
情。何。堪。為。籲。衆。力。移。幽。函。魂。兮。歸。來。哀。江。南。

補註

土伯

招魂九

山囚

柳子厚作

大鬼主

夷目敬鬼其尊長主祭者共推

以爲大鬼主

黃蝶賦

爲雲谷老人壽也有序。山陰黃斌字

謝去僑漢年八十先預祝則爲賦其正祝則爲傳

五華者五朶蓮花。出閭浮提坤隅。西南大海中。五峯

蟲。天花色殊妙。彩雲繚繞爲妙香世界。諸蜂以業帶

欽。原不得上。惟蝶能遊雲谷。老人以修中黃之道。化

黃動葬曰
賦二卷以
物終起以
化蝶終四
十年前大
則鈞鰲四
十年後小

游別落陰
分所以不
能遊彼日
盡以等入
者何自苦
乃爾

原出黃蝶
之殺歷為
桂名蕊珠
以至其
哉科名之
誤人也

塵界之難
遊若此

雖以欽原之善螫兮。止在崑崙之下邱。惟吾蝶之翅。
栩栩兮。化毒姓而清虛。招諸老而來遊兮。坐五靈之鳳。
車。擢粉鬚而翱翔兮。如垂天之雙虹。鼓元氣以為翼。
兮。掩蓋金母與木公。腹且范伏乎希有兮。大鵬曾不
得以為么。蟲夫何落於婆娑之界兮。冒南州之桂樹。
遂結名於蕊珠兮。因飛來而不得去。翔青城而戲錦
江兮。躡雙鳬以為御。天真皇人不汝留兮。迫而逐之。
南。至於交趾。蝮蛇蓁蓁。封狐千里。吞噬百族。貪不可
止。凜乎不可留兮。乃北至於幽燕。層水戔戔兮。傷積
雪之苦寒。仍隨陽而圖南兮。得五華之天山。謝鉅馳。

雲谷年華
八句猶生
一子故有
乳蝶之謎

以下各自
言愁各自
解愁各自
解會各自
雖之亂欺
每謂一過
始難為懷

與蚊負兮樂僚羽之清閒。賴身輕而翼薄兮。無重厚之牽纏。能共遊於太古兮。得長保其天年。恣園林之嬉戲兮。乳新蝶之嬋娟。年愈老而心愈少兮。何新故之可言。是知惟聖能蟲。惟蟲能天。蟲而至於蝶。其天獨全。所以能摩盤古之頂而拍洪厓之肩也。於是淮南子乃作而賦白蝶之歌。歌曰。却悔從來苦學仙。偕教謫。則亦堪憐。金刀皓白。餘風在飛上。瑤京獨皎然。東陵子作而賦青蝶之歌。歌曰。曾向東陵逐故侯。人間榮落正堪愁。何如拍出樊籠外。遊戲滄溟遍十洲。大醫作而賦赤蝶之歌。歌曰。赤鬚赤斧。赤將與。臙腹。

大盤盤
自在

丹成那用書飛上九霄霞四照蓮花千萬總難如先
生作而賦香蝶之歌歌曰前身原是舊梅檀叨利天
中刻畫難枯朽到今從物化餘香猶在蝶衣團團公
作而賦元蝶之歌歌曰商山遊戲羽初齊自笑東園
後到時因逐夏黃參四皓猶餘京洛素衣緇大迦葉
重宣此義而說偈曰瞻仰老瞿曇黃面貴種甲威音
師子王施無畏大法化丈六金身栩栩爲夢蝶至此
五采華羣羽紛捷獵脫離三塗苦煩惱無由涉身輕
翼極薄放之彌六合佛壽正像法住世無數劫解此
義者誰摩訶大迦葉淮南子者北平劉時軒也東陵

子者。津門邵庭蘭也。大迦葉者。天都葉二如也。白石先生者。江渚檀默齋也。東方大醫者。濟南郝澄泉也。園公者。蘭陵袁明府也。共攢此軸。而謝蝴蝶附之。已酉嘉平月生魄。

補註

衆香繼摩經上方界分有國名衆香其界一切皆以香作樓閣經行香地花園皆香其食香氣周流十方世界香積如來無文字說但以衆香令人入律各坐香樹聞斯妙香卽獲三昧欽原崑崙崑崙之邱帝之下都鳥狀如蜂大如鴛鴦名曰欽原蠹鳥獸則死木則枯蠹同螫也劉杰字時軒自開化守勒休貧青溪道人不得歸因與此會年七十七號青溪以舉人歷知太和鄧川陞鎮沅收謝病留滯與此會年七十六後歸卒白

重鐫草堂外集卷之三

天都吳並山原評本

滇南蝶會諸老重批

草堂衆弟子同叅訂

書啓上

復某學士書

此書因矯枉之論然爲此書下誠發實功中病根并讀一過令八汗出

某曰辱承書問兼奉箴規所以譽之者至高所以責之者甚重言皆要於肝鬲療必達於膏肓如僕嚙語虛驚殆將迷夜中風狂走忽已數年幸賴操其十全攻以五毒拾遺記呂蒙夢中誦周易一部衆云呂蒙

唐鑑山曰
默然為安
好使事排
共早譁
之矣會試
於德者已
首舉有摘
之者云腹
有詩書墨
能組練但
此派衍自
農山西堂
此作更張
其於置於
後眾並大
訓某公問
之貽書以
戒因復此
書其負氣
誠過然

也周禮醫師掌醫之攻令十全
為上瘍醫療瘍以五毒絞之
難移。蝸國螟巢居遊自樂則雖枚生善發安期大宅
之侵淫夏革商咨莫識天池之廣遠儼承提命祗益
愈愚明而未可為融驚而遂至於惑不能默默輒布
區區良以足下之所陳未剖心中之所積也嵇康養生論
令人重榆令人瞋莊子有國於蝸之左角者曰觸氏
有國於蝸之右角者曰蠻氏晏子春秋東海有蟲巢
於蚊睫再飛而蚊不為驚命曰鴟螟七發陽氣見於
眉宇之間侵淫而上幾滿大宅列子湯問於夏革注
夏革字子棘為湯大夫父終髮北之北有溟海者天
池也至傳明夷之謙明而未融莊子告以至人之德
吾恐其驚而仰惟明教蓋有深懷非必詞為抑揚直
遂至於惑也而能隨花樣共度金鍼耳而云文
是意有左右大抵在能隨花樣共度金鍼耳而云文

正論也。
唐趙希

松人

此言空

衍之無所

用

從東還契

崇理宗朝

有司命題

荀簡策

用事說姓

所取之

不精微

復公去友

時謂謬種

流傳

訛至此

以變化稱奇。不以方嚴取貴。辭以翻空見巧。不以微

實呈能。揆以鄙衷。殊非篤論。

王僧虔復檀珪書。與足下素無怨憾。何以相

侵。苦直是意。有左右耳。盧氏雜說。盧全下第。出都投

逆旅。有一人云。如今花樣不同。且東歸也。元好問詩。

暈碧裁紅點。綴勻一。回拈出一。回新鴛鴦。繡出從教

看。莫把金鍼度。與人。文心雕龍。方其擲翰。氣倍辭前。

暨乎篇成。半折心始。何則。意翻。蓋自俗言曰。勝展轉

空而易。奇言微實。而難巧也。

相迷。謬種流傳。詆訶不逮。但欲權時捷得。無煩寄意。

冥搜。老宿襲為常譚。少年作茲狹獮。

莊子。高言不止。於衆人之心。至

言不出俗言勝也。反。兔園未入。輕援毛穎之豪。麟楨

與天下展轉相迷。

皆驚欲寫張華之志。未見章成之妙。徒聞語助之多。

杖判紛拏。釋言無分乎者。麟文剝落。徧體惟作之而。

直聲小集 卷之三 復其學士書 二

雲溪妄議
胡生家貧
爲銀釘之
業輒祭列
子之墓爰
入割腹以
爲書龍
於心腹
而吟詠號
爲釘釘

字未識夫凡將說徒誇其雋永朝野僉載楊炯每見
遺記張華造博物志盧氏雜說唐李據曰爲麒麟植捨
之乎者也何別考工記作其職之而鄭注之而頌頌
也漢志司馬相如作凡將篇無複字漢蒯通傳
通論戰國時說士權變亦自序其說號曰雋永打油
成派釘銀流腔撮弄稱工一卽之名烜赫教言不辨
八哥之語含酬止自便於空疎曾何關於屈折舊事
弄綳絲人平江周一卽正字鳴鶴又名八哥幽明
錄云五月五日翦其舌端使圓教令學語能人言遂
欲上規秦漢下輕庾徐炫未俗之所趨笑古人之甚
拙適成輕薄無與高深固知樹骨訓典之區者難以
抑心而賴寵選言宏富之路者不能俛首而乞靈何
者與其趨易而競瓦合之工不若圖難而守玉貞之

學下言偶
對之不可
廢

固亦行文
之法

韞也。庾信傳信父肩吾東海徐摛摛子陵並綺艷故
樹骨於訓典之區。至若技駢雖爲生質儷比豈云格
選言於宏富之路。早是以範陳少師間叅韻語書奇莊子每雜文言巢
隕闡戕育公固精屬對文壇武作班掾亦善聯辭早
立法於前脩詎貽譏於破體如斯品彙難以枚稱。莊
合者不爲駢枝者不爲岐。徐炯序巢隕諸樊閔戕載
吳左氏造其端文壇棗野武作飄歌班史托其始屬
對精切聲病克諧駢大抵抒袖經心吐衆詞於滂沛
儷之文濫觴於此。服襄連軫挾大力以奔馳不得不摠千里之樞機立
一篇之警策俾有數行整飭雅步端凝庶花迺三三
愈識幽居之邃榆光兩兩更瞻台曜之尊氣非散而

證佐

禮瑞命篇
鳳鳴鳳節
鳳鳴鳳足

草堂外集

卷之三

三

不收才以縱而暫斂陸機文賦立片言以居要乃一篇之警策筆樵無誠齋東園開

九選名三三選更天官書魁下知乃見常嫵媚蘇公

妙得天然對豈徧枯朱子自多理趣雖在名賢摘翰

豈無偶句聯編誠以黑白既分望如茶墨重輕各得

雅中宮商虎踞龍驤交風雲於大野鸞歌鳳唱調節

足於重雲鸞鳩之控難飛蟋蟀之鳴昏破自見才鋒

之健尤微學殖之優作者未嘗廢斯知者良有以也

國語白羽之增望之如茶鳥羽之增望之如墨宋書

論五色相宣八音協暢宮羽相變低昂外節一簡之

小言韻盡殊兩句之中輕重悉異趙至畫顧影中原

憤氣雲踊哀物悼世激清風烈龍睇大野虎肅六合

猛氣紛紜雄心四據思躡雲梯橫奮八極莊子蜩與

鸞鳩笑之曰我決起而飛捨檣枋時則不至控於地

公字評冷
極

俗謂交爲
論字本作
邪

而已矣。韓文若奏金石以乃責終朝之執獲詭失良
破蟋蟀之鳴蟲飛之聲。乃責終朝之執獲詭失良
馳人七達之劇。驂捷矜夷驟。裁對不工於青子聲勢
難穩於黃櫻。鷄魚猪驢祇訕語音之謬。榛楛翡翠莫
分翔集之榮。徒開何爲其中未有。爾雅七達謂之劇
於顏夷而衰矣。如馬能言彼將必曰。驪來驪來女不
驪彼將殺女。援驪同驟。北夢瑣言。盧光啓汝弼檄云。
致赤子之流離。自朱耶之版蕩。謂人曰。天生朱耶赤
子。供我之筆也。芝田錄。史思明作詩云。櫻桃一籠子
半已赤。半已黃。一半與懷王。一半與周至。左右曰。若
能言一半周至。半懷王。即與黃字聲稍穩。思明大怒
曰。我兒豈可居周至下。御史臺記。侯思正言音不正
時。斷屠殺思正曰。今斷屠殺鷄魚猪驢。俱不得吃。空
吃米麪。如何得飽。霍獻可笑之。思正訴於則天。獻可
具言。則天亦大笑。陸機文賦。彼榛楛之勿翦。亦衆榮
於集。即使屈伸多態。不過含利虛張。况復招引生憎
翠。直宜外集。國卷之三。復某學書。

終須偃師逢怒則素相之才不裕而自戰之技難憑也。豈定術工解頤即致皇考之笑知難衛足徒銜碧石之悲哉。西京賦舍利殿化爲仙車注舍利獸名性吐金故曰舍利列子穆王西遊有工人偃師所造能倡者王驚視之信人也技將終倡者瞬目而招王之左右侍妾王大怒欲誅偃師論衡孔子之春秋素王之業也諸子之傳書素相之事也蘇詩汝南先賢有故事醉翁詩話誰續說當時號令君聽取白戰不許持寸鐵漢匡衡傳匡說詩解人頤莊子大聲不入於里耳折楊皇考則嗑然而笑至傳鮑莊子之知不如葵至若多文爲富博學斯詳不必拘於葵猶能衛其足續鳧抑豈故爲斷鶴而乃短垣自隱宵貌同工以此刻畫古人似亦謬遠通論。莊子鳧脰雖短續之則憂鶴脰雖長斷之則悲陸機文賦故蹕蹕於短垣放庸音以足典魏都賦宵蓋聞魏最陋稟質蓬晚世說刻畫無監唐突西施

張求似名
勝
登由以氣

六經而下無病於有餘能吐萬牒以上可謂之多力

故子雲勇出鳥獲君山傑過陽城豈徒率爾操觚

麼布素哉良以連章結句下筆不能自休吐致舒英

揮毫若有神助也詩衡其吐文萬牒以上可謂多力

得揚子雲交之鳥獲也陽成子長作樂經揚子雲作

太元經鴻茂參貳之才也桓君山作新論彼子長子

雲論說之徒君山為甲與論武仲以龍屈文為蘭臺

令吏下筆不能自作宋王徽議深羨美結孤響雄音

吐致施英是以王甲才能百萬少都猶患少言東方

奏牘三千公車特驚對舉鴻筆獨罪霖雨龍章必開

雲霞歷考前賢類多巨製非特片牘即稱大家論衡

龐少都每薦諸生之吏嘗曰王甲某子才能百萬人

文吏不通一經一女不調師一言諸生能說百萬章

文吏不通一經一女不調師一言諸生能說百萬章

何非才知百萬入乎滑稽傳東方朔初入長安至公

車上書凡用三千奏牘公車令兩人共持舉其書僅

然能必將統壹古今牢籠天地踞羣言之最上為百

勝之司南是知邱垤培塿難仰太山之峻斷潢絕港

氏之司南是知邱垤培塿難仰太山之峻斷潢絕港

其量滄海之深淮南子牢籠天地彈壓山川季義山

文道於楊墨老莊佛之學而欲之聖人之道猶航斷

港絕潢以望至於海也楊子升東嶽而知衆山之崩

麓也况介邱乎浮滄海而知彼夫手馬不健於霜蹄

江河之惡沱也况枯澤乎彼夫手馬不健於霜蹄

心牖未明於薄社而欲與浮雲競駿皓日齊光豈能

高比而廣德耶適足見笑而自黜耳李義山啓手為

論衡經藝傳書人當覽之猶社當通氣於天地也故

人之不通覽者薄社之類也西京雜記文帝有良馬

九匹一曰浮雲騄詩外傳高比所以廣德也下比所

以狹行也漢司馬遷傳終不可以為遠足以見笑

此下言修
學之狂目
近
前安淺

盡情發泄

而自點耳。且夫持薛生之杵而易雍伯之脂者，
注點汚也。於門媼也。投陽書之綸而遺任公之牂者，
安厭天海名。

撫言薛保遜好爲巨編，自號金剛杵，開媼以易脂
所得倍於常也。更貨殖傳販脂辱處也。而雍伯千
說苑宓子賤爲單父宰，過陽晝曰：有釣道請以送予。
授綸錯餌迎而吸之者，陽鱮也。薄而不美，若存若亡。
苦食若不食者，魴也。博而厚味子賤曰：善。莊子任公
爲大鈞，巨緇五十犗，以爲餌，蹲乎會稽，拔竿東海。
今皆習其庸師，繼於俗學，以高頭之講義爲歇脚之
安居。舌敝於糟粕之文，目疲於胡麻之字，偁規錯矩，
循誦襲傳，渺未有聞。牢不可破，束五經而不敢讀。見
異說而不敢談，撻墮而行，背牆而望，雖戶以眇論達
其愚衷，如逐臭之夫，聞馨香而奔軼，似避風之鳥，聽

呂氏春秋
人有大臭
者觀感無
能與居自
苦而居海
上人有悅
其貧者盡
夜隨而不
去
以嘔嘆作
收

此及末言
不在範圍

鐘鼓而悲憂。揚子撻塹索塗冥行而已。注塹土也。有
行。又心雕龍各執一隅之解。欲擬萬端之變。所謂東
向而望。不見西牆也。又遇海濱。有逐臭之夫。莊子海
鳥止於魯。郊魯侯觴之。奏九韶。嗟乎。味蔡煨者。不足
具。大牢。鳥乃眩視。憂悲。不敢食。嗟乎。味蔡煨者。不足
與論。太牢樂坎窞者。不足與窺。大壑俗難莊語術不
逢年度曲之高卑。和相屬矣。稱意之大小怪亦隨之。
何必從俗炫窈窕之姿。要惟閉門範和鸞之軌而已。
新序客有歌於郢中者。始曰。下里巴人。國中屬而和
者數千人。其為陽陵採薇屬而和者數百人。其為陽
春白雪屬而和者數十人。而已。引商刻羽。雜以流徵。
屬而和者。不過數人。韓文僕為文。每自測意中。以為
好。則人必以為惡矣。小稱意人亦夫。重淵之魚。不可
小怪之。大稱意即人必大怪之也。
引以空餌。層雲之鳥。不可下以虛弓。敝箪救鹹。不

可以投鹽澤寸膠止濁。不可以濟黃河。作始簡者將

畢。宜繁用功深者。收名必遠。纖施安期。洪報虛往。何

賴寶歸。孔融周歲論敵軍不能救鹽池之滷抱樸子

阿膠一寸不能止黃河之濁莊子其作始也

簡其將畢也必巨韓文其故吐白吞丹。沉思通於夢

寐。腐毫握槩。研慮積於年時。知解任旦暮之遭逢。守

元俟曹儕之好尚。拜山拜水。尚通靈異之誠。爲玉爲

金。必識精英之氣。託門之瑟。未嘗無賞音。濫坐之竿。

難免。遭遞奏進退無慙於已。屈伸必有其時。漢記楊

賦成夢吐白鳳。異人傳韓文公少時夢人與丹篆一

卷。強吞之。西京雜記楊雄懷鉛提槩作方言。楊雄解

博物志劉少翁曾數入太華山禮拜二十年。西嶽

俗笑傳聞
 以適樂就
 云其愚何
 與斯人追
 欲喪驅注
 莊近記

人授其仙道一人拜河水十年河侯河伯授行水不
 溺法乾臙子扶風寶父知貨殖胡人米亮語久曰常
 見宅內帑衣布真于闐玉矣召玉工觀之曰奇貨也
 天官書敗軍場破國之墟下有積錢金寶之上皆
 有氣不可不察韞文齊王好竿有求仕於
 齊者操瑟而往立王之門三年不得入若夫慕楚
 鄙之盈施而遙捐其蘭芷聽宋人之寶石而盡棄其
 瓊瑤是猶教鋸竿以入門終失都盧之扳援誨創趾
 而適屢徒笑壽陵之步趨耳離騷賈叢施以盈室今
 之愚人得燕石於梧臺之東笑林魯有執長竿入城
 門者暨執不可入橫亦不可入計無所出俄有老人
 至曰吾非聖人但見事多端矣何不中截而入遂截之
 西京賦都盧尋橦注巴俞都盧體輕善緣莊子忘足
 履之適也妄腰帶之適也又秋水篇壽陵餘子學行
 於邯鄲未得國能又失其故行矣直匍匐而歸

與果園某茂才書

建德縣西兩數十里有花果
 園步頭村皆檀族也同祖宋給

齊李守忠
 國為孝源
 和墓致帖
 於宗人云
 朝秦終奉
 畫六十六
 秀才云云
 此書猶朱
 子之意也
 而詞義正
 當文章斐
 然正人
 尚厚風
 俗
 按作經注
 檀園在

事檀倬墓
在鰲鵬

某曰靈源可溯。韓公譜始顏當。華胄云遙。杜老祭尊
 元凱。雖以朝經數代。紀隔千年。儼等吾祖之知。不忘
 我姬之出。冒黎年譜。始祖弓高侯。顏當。往工部祭文。
 侯之抑。或新豐別徙。臨邛遠遷。而陳仲舉家在平輿。
 必向召陵。而持版李義山。居依永樂。爰從京索。而脩
 望。豈以親竭。而忘情地遙。而缺享哉。風俗通陳蕃

 祠時令劉子興會其冢。上蕃持板迎跪。令不謙。恪蕃
 忿之。曰。平輿老夫何欲。召陵令不為諸冢故耶。襄山
 集。永樂縣所居一草一木。無非自栽。又祭房叔文。檀
 山。舊壁忽罹風水。壽堂圯壞。冢樹傾頽。雖崩則不脩。
 聞諸前哲。但墜而粵。自世風衰薄。人俗澆漓。拜墓之
 罔治。那俟他人。

無以觀托
得生動之
致斯以今
體而運苦
趣

又樣模
法

謂能言首邱之仁。岡識將謂禮有宜殺無妨崩則不
修昧報本之儀。文笑他人之扳援。五代史郭崇韜伐蜀過予儀之墓下
馬號慟而去。聞者頗以為笑。檀弓太公封於營邱比及五世皆反葬於周君子曰古之人言多死正邱首
也。抑知塗經下馬且尋董相之墳。山止定軍尚表葛
公之墓。將因過墟生戚。不必續緒為親。矧其系出耳。
孫實稱鼻祖者。與國史補舊說董仲舒墓門人至皆下馬謂之下馬陵水經注沔陽縣
故城南對定軍山。諸葛亮葬其山。百姓野祭。步兵校尉習隆表立反騷。有周之蟬嫣兮或鼻祖於汾隅
夫達夫廓駒王之廟。子玉崇尚父之碑。皆屬世代殷
遙。尊卑濶絕而不嫌。依附以示昭垂。豈謂積厚流光
誇本支之盈數。根深實遂。詡奕葉之芳聲。良以念祖

望若泰
甫如家祀
之稱也

果園景
柯退諫之
皇為獨獨
明史記
紹傳王云
柯選池州
建德人山
卿舉出知
交趾羅州
累官浙江
雲南按察

無間於遐年而尊宗靡遷夫迥世故也徐偃王廟祠

思惟本原乃命因故為新工告訖功大祠於廟宗鄉

咸序應禮弓昔我先君駒王西討濟於河永經注大

公望汲人也縣民杜宣白令崔瑗曰大公甫生於汲

舊居猶存君與高國同宗太公載在經傳今臨此國

宜正其位以明尊祖之義遂立壇祀每念高平稱望

為之位主瑗字子玉舉茂才遷汲令每念高平稱望

待制分房擢笏黃扉絲綸是掌點班青瑣領袖為優

風度則主眷彌迴休光則孫謀永燕南枝競秀仍棲

八景山川北幹飛英遠映四湖煙水彰前固易繼非

非難椒實矧繁蕊珠毋謝則雖才慙下駟欲隨鍾岱

以爭羸事去千年嘗讀伏波而興慨矣氏施畧檀氏

盧清河唐書李沆常侍晏太宗目送之日風度端凝

真貴人也舊誌檀給事墓誌檀倬賜對便殿上宣諭

使探傳
詔求真言
年三殿災
詔求真言
鄒緝疏
切敷上不
少時言者
多斥時政
上怒謂謗
訕待讀
李時勉侍
講羅汝敬
於徽御史
鄭維桓何
盧羅通徐
瑤給事中
柯暹俱左
官交難據
此則柯公
先為給事

宰輔近召見青六人風度凝遠俱不及檀倬除中書
舍人遷給事中集英殿脩撰徽猷閣待制更孫臍傳
田忌數與諸公子馳出重射孫子曰以君下駟與彼
上駟取君上駟與彼中駟取君中駟與彼下駟七發
鐘岱之牡齒至之車射千鎰之重爭千里之逐唐書
馬璘讀馬援傳慨然曰可使吾祖勲業墜地下乎
前來南澗始展先塋竊追白日之銘頻驗紅燈之影
告虔惟謹述舊兼殷博物志漢滕公薨求葬東都門外馬跑他得石曰佳城鬱鬱三千
年見白日呼嗟滕公居此室遂葬焉閩志尤表父卒葬之遂廬於墓夜見湖中紅燈萬盞空中語曰此地
發福三本待留覽馬鞍快登龍腦吟它甥之原唱讀
百年
族亡之賡章叙述瓜辭叨承棣飲然以公車趣詣私
轄實投訂以他時遊須匝月非求同就武夷之宴庶
議重培京兆之吁運德志馬鞍山龍腦山俱在果園漢遊俠傳東遊每大飲取客車轄

中以真言
諫知驪州
也雲南志
謂初通於
正統間為
按察使接
賴罪之後
繼罪者則
尋緣問之
半復其能
諫交時已
二十五六
年至是應
老矣此事
臣人不知
之也惟一
統志云通
由舉人預
修永樂大
典擢戶科
給事疏時

投井中雖有急終不得去。武夷記：歲政之二年中秋夜，武夷君宴鄉人建幔亭，設寶座，施紅雲綈，紫霞褥，呼鄉人為曾孫，漢遊俠傳：武時京兆曹氏葬茂陵，民謂其道為京兆陌。開輒雖馳春轡，出窺鏡內芙蓉，旋掛秋旌，歸守門前。楊柳准擬無忘息壤，竭來仍訪蘭溪，不意既以賤歸。反為貧逐奔走，迄無寧日。遷延遂至愆期，既爽約於宗人，亦虛儀於殷祀。撫躬踖踖，感念屏營。戰國策：甘茂之魏，約伐韓，盟於息壤，攻宜陽五月，不能拔，王召茂，茂曰：『息壤在彼。』穉遂貧賦，貧曰：『唯唯。』主人見逐，多言益咄心，有所懷願，得特令次第前來，恭候諸君近祉。屬臻鰲鵬之坂，徐省馬鬣之封，使義叟以遄征，誠可將於神寢。縱長沙之既遠，情不等於路人。池州志：宋待制檀仲墓在建德。

缺悴皆繫
獄載屏
其食不死
出知交吐
收知承新
吉水九載
特陞鹽南
浙按察使
此書大致
從西征賦
登岸書諸
篇來墓古
人之精神
而變其貌
遂為高調
矣

卷之二十一
縣西南步頭却鰲鵬暇恒弓從若斧者焉馬鬣封之
謂也季義山祭文使義叟以令月吉日奉移神寢唐
文苑傳李商隱弟義叟亦以進士擢第累為賓佐陶
詩序長沙公於予為族祖同出大司馬昭穆既遠已
為路人經過潯陽臨別贈此

楚中寄內書

默齋於癸未春作楚遊不得意乃有是書

悵哉晨鳬出浦隨昨夜之西鳥春燕離巢憐故林之

東鵲塗經千里水涉旬時賦實慙潘記難規戴顯殊

莊舄吟固不工貧類梁鴻噫將難已粗陳觸目遠慰

縣心王粲海賦乘茵桂之舟晨鳬之舸古今樂錄西

未敗之前思歸京師所以歌梁武帝歌東飛伯勞西

飛燕黃姑織女時相見爾雅鴈伯勞晉書潘岳為長

安令作西征賦水經注溫水泉側有重人穴穴中有

僵尸戴延之從劉武王西征記王粲登樓賦壯為顯

悼淡

而越吟逸民傳梁鴻家貧尚節介自華陽解纜之時

正仙苑飛橋之候散裝單簿小舫徐移並無九旅之

寒惟資一力之給幽怪錄正月望日帝問葉師仁處

殿前帝步而上至廣陵士女皆仰望仙人現五色雲

中外史徵君適河曲晉人不識為徵君有酒徒數十

人為彭澤令送一日皇皇九族一何寒也陶淵明傳淵明

之勞此亦人子藏舟小壑縱步危孺月湧長皮星垂

大野江天空濶旅望羈孤地甚村居逕無人語輕風

習習幽盞熒熒無那關情復情不知今夕何夕雖以

傳柑熟芋且隔鄉關况其鳴鶴駕鰲實懸霄漢哉歲

記上元貴戚以黃柑相遺謂傳柑影燈記洛陽人家

燈夕造即君芋食之宜男女庚信燈賦動鱗甲於鯨

上元外集

客行懷古
遺意謬誤
附錄之

魚。燄。光。芒。於。鳴。鶴。王。禹。玉。詩。雙。鳳。雲。中。扶。輦。下。六。龍。海。上。駕。山。來。五。更。起。碓。雙。漿。凌。濤。風。借。馬。當。柳。看。彭。澤。漸。經。湓。浦。乍。覩。匡。廬。絕。岼。龍。騎。輕。艤。雀。躍。蔽。虧。何。甚。盼。望。難。分。橫。嶺。側。峰。虛。勞。寤。寐。丹。嶠。翠。壁。竟。負。神。靈。其。他。應。接。無。名。指。點。不。辨。即。遊。最。久。友。失。交。臂。之。親。夢。至。良。殷。轉。罹。問。津。之。誤。進。前。不。御。聞。聲。相。思。遺。忘。更。有。幾。何。遭。逢。大。都。如。此。碓。同。石。鍾。舟。石。集。異。記。開。元。中。王。昌。齡。舟。至。馬。當。行。數。里。忽。赤。鯉。躍。入。舟。剖。腹。得。金。錯。刀。子。是。談。送。廟。中。者。按。此。自。王。昌。齡。事。而。他。小。說。謂。王。勃。過。此。神。助。以。風。雲。一。統。志。湓。浦。在。德。化。縣。有。人。於。此。洗。銅。盆。墮。水。撈。之。見。一。龍。負。盆。而。出。慧。遠。廬。山。記。殷。周。之。際。匡。俗。先。生。奚。道。仙。人。共。遊。此。山。因。以。名。集。韻。解。艤。船。名。蘓。詩。橫。看。成。嶺。側。成。峯。遠。近。高。低。無。一。同。不。識。廬。山。真。面目。只。緣。身。在。此。山。中。南。康。志。李。白。隱。居。五。老。峯。後。

大峨廣濟
 右峨瑞日
 二月京如面
 過者多急
 之逐聲响
 於時之所
 其情爲苦
 噴者則噴
 噴視之於
 此際矣

比歸題其崖曰與君再會不敢寒盟翠崖丹壑神或
 蓋我箇淵明記劉子驥病終後遂無問津者鬼谷子
 就之不用去之反求日進至若江過九派山東兩崖
 前而不御遙聞聲而相思至若江過九派山東兩崖
 前後周遮中邊照徹蒼苔滴石擁巘堆峰綠竹臨巖
 綴籬構落幽棲沿湖而住畫舫入鏡以行峽轉幾如
 鎖連波寬差容舸渡鴉隨敗錦鷺立新蘆鰕肥接蓑
 龍豪攘劍蓋自東陵上汭西塞斜經幽景難以盡言
 往章實所未述者矣蔣廊偶筆富池鎮吳王廟有鴉
 上下是王神鴉張志和漁父辭西塞山邊白鳥飛桃
 花流水鱖魚肥甘澤謠陶峴行次西塞山邊白鳥飛桃
 摩訶下取有龍高二丈許劍環置前引手將取龍鰕
 怒目水經注刊水出廬江郡之東陵鄉江夏有西陵
 縣故是言東矣茨坊有西陵縣縣北則三州山連逕
 江則東山偏高謂之西塞東對黃公九幾所謂九圻
 草堂外集卷之三楚中寄內詩

蕭瑟如見

自是舟移青翰牙飛紫雲望得豹之山過投龜之渚
經赤壁烏林之舊塞歷陽邏柏舉之遺墟蕭鼓中流
遺音難再風沙委地折戟猶存血戰雄名英流盛事
寒蓬捲盡當暮雨之飄零宿莽收殘但晚潮之幽咽
叩輕舷而哀怨撫舊蹟以踟躕第見鷗下夕陽鶴飛
微月而已說苑鄂君子哲乘青翰之舟不經注宋孝武舉兵江州建牙洲上有紫雲蔭之又樊
口有大姥廟孫權常獵於山下見一姥問何所得曰
得一豹母曰何不豎豹尾忽不見為立廟白龜渚記
世傳毛寶放龜獲報考之傳寶入武昌市見網人售
龜外骨甚白取令僕參之久乃放江後鄉陷寶死僕
免溺則以龜之載也水經注烏林邨居地名黃岡志
陽邏堡在縣西北百二十里宋置堡於此春秋楚子
伐吳濟於羅汭舊以為即此地按邏字有三聲今讀
為平則舊說羅汭之義為長水經注舉水出龜頭山

後正似諸
新怨如舊

周文源曰
吾邑人不
樂客訪即
先生亦然
其始至楚
憤懣鬱鬱
於書詞見
之未半載
即歸明年
又被拉至
楚漸改鄉
氣而事遊
鄉人語而
訕之然其

運齊安郡西南流注江謂舉洲即吳楚陣爾乃因風
於柏舉鮑照與妹晝寒蓬夕捲古樹雲乎乃因風
連咽不假牽盤擊汰相銜徑看帆上爰窮碣岬忽抵
津涯擇浦落庾信之帆詢洲聽禰衡之鼓未及鶴樓
謀醉先從燕慕求安入沼無蓮圖牆有棘近白龍之
渚訶叱時聞對黃鵠之山高飛欲去相逢仙棗粗嘗
不長精神未失臙脂畧染終無顏色宋書謝晦傳檀
士牽盤緣岸晦始見艦數不多易之不即出戰至晚
因風帆上前後連咽晦望之大驚九龍乘船船上
沉兮齊吳傍而擊汰庾信賦落帆黃鵠之浦藏船鸚
鵡之洲世說衛青為鼓吏為漁陽三搥淵淵有金
石聲武昌志黃鵠樓在黃鵠磯上太平廣記鄂州刺
史春設觀者傾郡一白衣人長丈餘隨衆至俄有小
童傍過叱曰汝何故離水處驚怖官司耶蓋守江白
龍也武昌志黃鵠山在府城西南蕭詩外傳因饒謂

事記小表

卷之三

十三

交遊之廣
見識之大
著作之富
意興之確
咸自於此
先生嘗言
居鄉修業
者厚也世
途遊歷者
問學而
無所不
通方予因
悟吾鄉前
輩尚書無
著作不堪
問世者以
學而無問
耳先生之
撰著傳布
字內非得
力於遊乎
吾儕先生
遠近且久
流傳之
為吾鄉里

魯哀公曰臣將去君黃鵠舉矣武昌志仙棗亭在府
治南舊傳亭前棗樹未嘗實一歲忽有實如瓜太守
命小吏采而進小吏私啖之遂仙去一統志臙脂山
在武昌府城南十道志失我臙脂山使我婦女無顏
色蓋由征容勞瘁兼與客態生踈海門洞庭辛苦十
年之水盆城鄂浦顛狂二日之風本慕元公將欲登
臺而探月鏡不逢崔相安從買舫而載雲翹誰能鬱
鬱久居不堪楚楚相對集異記許漢陽到湖泊舟見
七人揖坐曰有感懷一章欲誦之乃言曰海門連洞
庭每去三千里十載一歸來辛苦滿湘水請漢陽錄
之韓詩盆城去鄂渚風便一日耳不枉故人書無因
帆江水傳奇裴航下第遊於鄂渚謁崔相國贈錢二
十萬因傭巨舟載於襄漢同載有樊夫人後經藍橋
驛觀一女子娶之入帳就禮引見諸賓後有仙女云
是小娘子之姊雲翹夫人劉嗣仙君妻也更傳吾亦
欲東耳安能鬱鬱久居此後漢何進傳我奈何楚楚

洽園於族
屬參最早
而與雲圖
公至契公

與士人共性安斥號終日戀其榆枋力倦罷驚自難
對事乎忘於棧豆允念故園之樂先歌行路之難連類傷煩
屬詞失次西音颺厲詳陳極目之春心南浦哀傷預
訂歸期於秋水呂氏春秋周昭王親將征荆辛餘靡
為王右王扞於漢中辛餘靡振王北
濟周公乃侯之於西翟殷整甲徙宅西河猶思故處
實始作為西音蜀都賦起西音於促柱歌江上之飄
厲招魂極目千里兮傷春心
別賦送君南浦傷如之何

楚中與洽園老人書

檀文波字洙厓號洽園居
郡庠有聲年老豪健詩酒

興高時騎跌
傷足因問之

信至聞墜騎傷足者麗譙嬌盼笑絲轡之空盤世說
庾小

征西嘗出未還婦母阮與女上安陵城樓上阮語女
聞庾郎能騎我何由得見婦使告翼翼便為於道開

草堂外集

卷之三

與洽園書

十四

待之若友
朋也然齋
卿舉時獨
莊騷大呼
而來曰中
笑然齋客
楚道其行
於朱給事
振岩先生
先生於其
之為類其
畫意自東
南文獻年
八十餘沒

鹵簿盤馬始兩轉墜馬墮地意色輦路驚塵聞香衣
自若莊子盛鶴列於麗譙之間惡衣香嚙帝膝帝太
而乍蹠魏志文帝將出取馬馬惡衣香嚙帝膝帝太
也介倪誰致契需良多莊子馬知介倪注介音憂倪
里馬不契需縱詡鳴鞭難占壯趾唐詩鳴鞭過酒如
注讀為怯儒使霜飛榆塞未須厘失馬之憂淮南子塞上北叟失
何詎不為福數月若逢雲暗劍闕或可誇騎龍之快
馬將胡駿馬而至若逢雲暗劍闕或可誇騎龍之快
傳奇許棲巖登蜀棧與馬俱墜尋崖下行一道士攜
歸太白洞中居半月思家求還以所乘馬送之曰此
馬吾洞中龍也既別遂巡已達號縣則無復故居矣
太平廣記趙齊嵩赴任棧道險狹墜馬直至谷底翌
日有巨赤班蛇擺頭角出乃龍也趙生跨之龍將到
海飛行漸低捨龍而投諸地乃清遠縣也月餘日達
舍按二事同時况勿藥有喜少損無傷全德者不謂
相類故兩引之

虧形虛驚者自多實福易无妄之疾勿藥有喜漢司馬遷傳今已虧形為掃除之

更莊子形全猶足以豈惟波濤可涉比盛德於婁公

為爾况全德之人乎定命錄袁客師過江見舟中數十人鼻下黑氣少留

未發間忽見一丈夫跛一足負擔驅驢登舟曰可以行矣貴人在內吾儕無憂矣抑且山澤從招希高風

論驅驢丈夫乃婁師德也於陶令久見招胡事乃躊躇丘為親舊故未忍言索

居某曾經奉履久隔連鑑更葉為取援因長跪履之

靴將求大夏之珍聊輔子春之疾漢張騫傳騫曰臣在大夏時見

杖蜀布曰市之身毒國禮樂正子春下堂而傷其足竊慚問欲謹勸加餐禮問

能遺不問其所欲兼聞夔一本餘蛇多焉補風俗通

古詩努力加餐飯一足而用精專故能調暢於音樂遂有彌天之半亦

博物志百足名馬蛇莊子夔憐蛇

真室父身。晉書。習鑿齒傳。時有桑門釋道安。俊辯有高

足以豪才。自北至荆州。與鑿齒初相見。道安曰。彌天釋

道安鑿齒曰。兼無行地之難。獨為其易。莊子。無從此

四海習鑿齒。兼無行地之難。獨為其易。莊子。無從此

神由靜攝疾。以氣治。宋史。章惇常訪范百祿。謂曰。子

嘗知以氣治疾之說。數千里名山。撫琴動操。南史。宗

乎百祿。因從扣太元。衡山有疾。還江陵。曰。老疾俱至

好山水。愛遠遊。結宇衡山。有疾。還江陵。曰。老疾俱至

名山。恐難徧觀。唯澄懷觀道。卧以遊之。凡所游屢皆

圖之於室。謂之撫琴。十五年。桑樹當戶。追涼。宋史。杜

動操。欲令象山皆響。十五年。桑樹當戶。追涼。宋史。杜

兩間。黎陽尉孫軫訪之。問所以不出門之故。笑指門

外。一桑曰。憶十五年前。亦會納涼。其下何謂不出

心有天游。身靡形役。莊子。心有天游。陶淵明。知晏安為

厚。毒念苦病。常得仙。左。宴安酖毒。不可懷也。神仙傳

以木。若之。百餘日。忽見右室前三人。以松子松栢脂

五升。賜之。曰。不但愈病。可得長生。病愈。乃歸在人間

年三百子其勉諸予非謾者

與同年陳馥汀孝廉書陳啟蘭字馥汀居蕪湖庚辰與默齋同舉於鄉

同出王司馬門

七載遺芝重絨減素春風共座近高韻於燕臺秋月

傷神賦離居於江介唐元德秀傳蕪源明常語人曰吾不幸生衰俗所不耻者識元

紫芝也杜詩曉鶯工迸淚秋月解傷第惟聲華碧漢

神舌詩同心而離居憂傷以終老

器業青雲雪柱冰車嘗專右地螭坳鳳沼步通達

嘗憶同心不忘引手庶幾姑蘇郡守得望三台東湖

園公能來二客期固私衷自祝而為異日相期者矣

義山詩青雲器業我全踈唐韓愈傳劉又折節讀書能為歌詩聞愈接天下士步歸之作冰柱雪車二詩

呼乞米帖也而委宛吟等類見其食之難而公之門前處處而仍於指同宜於年春半止書不龍等也孝廉家富交而端一赴公車即渾跋涉不

再出懷安
抱疾年頃
參琴三百
金不不祿
賤齋為此
書前之登
時我復安
來斐然使
其生於貧
賤其發越
必大不至
於早沮然
後知富厚
之為女人
病也孝廉
本吾儕人
寄鳩茲籍
耳

草堂夕集
出盧全孟郊右杜詩右地而多幸高齋詩話章子厚
與劉子先頗相厚善子厚居京口子先守姑蘇以洞
庭春寄之子厚答詩云多謝姑蘇賢太守殷勤分送
洞庭春後子厚人相誚其遠引子先以詩謝曰莫謂
無心向門下也曾終夕望三台宋史蘇雲卿廣漢人
少與張浚交浚為相屬豫章帥及漕曰鄉人蘇雲卿
管樂流亞聞灌園東湖為我致之帥漕更服為遊士入
其圃翁曰二客何來耶二客曰張公令某等致公因
出書函至乃階梯阻隔程路迢遞奔走塵埃滯留歲
金幣。至乃階梯阻隔程路迢遞奔走塵埃滯留歲
月就僧虔而乞祿良媿家風比王粲之依人差諸客
味舌由耕斲時覺蹇然面以旋疲人知赧甚南齊書
遷吏部尚書高平檀珪罷沅南令僧虔以為征北板
行參軍訴僧虔求祿不得與僧虔書乃用為安成郡
丞珪宋安東功繁効寡得少亡多册挾久而終遺鐘
將軍部孫也
撞頻而漸啞發揮全鈍記憶胥忘驢券能書差有語

言之複渭城難唱寧關本領之饒失路則易弱難強
染塵則離仙入俗深虞日退負期許於師資尤規年
增疏切劑於朋好禮善問者如鐘鐘譚賓錄古鐘十
調之聲乃暢徹類纂博士驢券三紙韻府齋竊幸流
餅者曰本領既大心計轉粗不復歌渭城矣移罔定邂逅將逢山陽精舍俄開穎上星光漸近鱗
拋穀瀾寧惟六六雙來逕接繩厓庶獲三三屢至手
雖未握神已先馳夢博士之蓮花東尋香路攀王孫
之桂樹上挹仙雲則亦自信秋期相懽曰富而已後漢
畫檀敬立精舍教授遠方至者常數百人彥周詩話
段成式詩三十六鱗充使時蓋龍八十一鱗經三十
六鱗也友翁詩序夢爲蓮花博士未來難必自往胥
陶榮木詩志彼不舍安此日富

然。不。如。意。者。七。八。其。常。所。稱。心。者。萬。一。而。得。懷。猶。未。
發。時。已。相。乘。未。登。元。伯。之。堂。即。返。子。猷。之。棹。晉羊祐
不。如。意。恒。十。居。七。八。後漢書范式字巨卿與張劭爲
友。劭。字。元。伯。並。歸。鄉。里。式。謂。元。伯。後。二。年。當。過。拜。尊。
親。見。孺。子。乃。刻。期。日。至。日。巨。卿。果。到。升。堂。拜。飲。盡。歡。
而。別。曾。書。王。徽。之。字。子。猷。性。卓。犖。不。羈。嘗。居。山。陰。夜。
雪。初。霽。忽。憶。戴。逵。逵。時。在。剡。夜。乘。小。蓋。以。湯。湯。方。割。
船。請。之。經。宿。方。至。造。門。不。前。而。反。蓋。以。湯。湯。方。割。
惻。惻。遄。歸。風。阻。規。林。情。切。溫。顏。之。侍。田。微。甫。里。時。遭。
暑。雨。之。通。秣。壤。皆。沉。仄。廬。盡。毀。枚。叔。驚。濤。卹。駭。何。公。
瑞。室。漂。搖。娥。鏡。三。圓。斐。裳。一。洗。釜。魚。寵。阻。實。費。支。持。
戶。葦。牆。茨。彌。勞。編。次。石。椽。空。載。蟬。蟪。虛。拘。陶。令。乞。食。
無。門。王。生。露。車。何。處。陶阻風規林詩行蘇循歸路計
日望舊居一歡侍溫顏再喜見

友于唐書陸龜蒙居松江甫里有田數畝屋三十
楹田苦下雨潦則與江通國志注焦先自作一瓜牛
盧淨掃其中瓜當作蝸救叔七發觀濤乎廣陵之曲
江卹然足以駭矣案何點傳允遷秦望山將築室忽
見二人指一處云此中殊吉忽不復見依其言而止
焉尋而山發洪水樹石皆倒拔唯允所居室巋然存
參軍鍾嶸作瑞室頌選賦聘江斐與神遊狂詩石櫛
遍天下水陸蕪浮沉沉賦曰時天下荒水陸並載石櫛
以充糧也晉書夏統少孤貧養母或至海邊拘蟬蜨
以資養注蟬音廉海蟲長寸而白可食蟬蟹類晉書
王尼無居宅惟畜露車有行輒御之暮則側身無所
宿車上常嘆曰滄海橫流處處不安也側身無所
不勝百孔千瘡索米云來又復六張五角心牽住去
跡寄君停將移江上之舟兼覓道南之宅庶幾託躬
廡下把臂林間翻愁列子嫁淇偏值龐公渡沔未免
鶴籠虛放鳳闔空題特遣長鬚先申短牘寄此來之

消息希彼美之因依。襄陽記司馬德操嘗詣德公值

呂安善後安來值康不在不入門題鳳字而去事

以迫而難需言轉含而未盡良以窘雖見肘愧翻護

顏自聲氣之招邀匪居遊之寂貧寔生涯以客寧矜口

不言貧投分縱深未肯事多陳乞誠知量而後入枉

則貽羞即當如水益深終必擇人而呼亦惟先要息

壤乃不輕打洪屋韻府自判官假五環於丁公公戲

白洪雖復急當目前望由面艾終以盡懼難繼竭惠

非全但分珠澤之微珍即光朽馭丐楓江之一滴已

潤枯髻非惟取足爲期抑亦儼輕有力包羞絮語長

四字真

良然

因鮑叔之知。急病窮思。深仰廊成之愛。左若見君面是得艾也禮君子不盡人之權。不竭人之忠。以全交也。左思賦耀車二八三傾五城。更知我鮑子。劉峻論曾無羊舌下泣。之仁寧慕邱別魂離夢。不盡羈栖心力。腰圍總多成分宅之德。瘦怯則為經其屢窘。遂爾工於言愁。結綬彈冠。其他有待。瞻雲望樹。此際尤深。祈鑒鄙念之私。佇聞德音之意。

復程松城書

程君策字匪宗有奇趣種松萬株於荒山塹而圍之數年松盛築室

其中隱居自號松城

前者分袂春城。馳鞭北路。辭故人之離席。驟遠道之征塵。曉站宵程。霜蹄雪軌。或旋泥而泛駕。亦冒雨以

予嘗補記
陳檢討四
古以不默
齋乃言原

註晚入程
蜀才師恭
蓋松城之
世父行也
且為弓道
松城之為
入其奇甲
辰之春松
城隨點齋
銅雙過維
楊字省然
齋問松城
已前行矣

衝塗旅邸。誼卑僕夫。况瘁聯草。羈而同寢。雜頂蹠以
相交。上冢時驚。或遭強僮之恕。出門日久。差免徒旅
之欺。元史站赤者驛傳之譯名也。凡站陸則馬牛驢
車水則以舟。韓文夜息南山同臥一席守隸防
夫。觚頂交跼。王褒僮約。奴名便了。倩行酤酒。便淹歷
了。提大杖上冢。巋杜詩出門日已遠。不受徒旅欺。
旬時過臻館舍。周旋此地。不無今雨徐增。仰望前嶽
尚有遺風。足慕第是成都。雖好。豈若吾廬。陶牧常瞻
終憐客土。杜秋述秋杜子臥病長安。旅次多雨。生魚
來杜詩成都雖云好。豈若歸吾廬。王粲登樓賦。比彌
陶牧西接昭邱。華實蔽野。黍稷盈疇。雖信美而非吾
土。兮會何矧。乃滯滯淮上。悵望江南。匪同白社暫居。
足以少留。已愁固陵重至。登壇雞喚。殊添旅夢之驚。戰巷馬嘶。

尚帶班聲之苦池金月冷臺草春寒晉書董京至洛

府東方欲明星爛爛汝南晨雞登壇喚固始志戰馬

巷相傳楚漢戰處金波池在東城下霸王臺在邑西

里九野灌雩婁孰憶埋蛇陰德山分大別徒傳噓蜃荒

唐淮南子孫叔敖決期思之水以灌雩婁之野王延

之母曰若無憂焉其陰德元善許續會紀程選勝無

大別山又名安陽山上有白龍池嘗有蜃氣

心登高有興但望連天雲樹不知何處鄉關加以他

縣衣裘更新成故出山泉水有濁無清本慙刀尺之

裁成第作桔槔之俯仰樂府翩翩堂前燕冬藏夏來

故衣誰當補新衣誰當綻杜詩在山泉水清出山泉

水濁趙策魏牟過趙趙王迎之坐前有尺帛何不令

前郎中以爲冠王曰郎中不知爲冠莊子進不能與

桔槔被人所引故俯仰而不得罪於人

三十

天閑土駟逐畫墀之千金退不能隨遷水良禽揚好
音於百轉彌年錄錄終日勞勞客况多嘗不復自名
寒熱俗塵難撲能無祇益顛愚齊公孫子傳田忌數與
子曰第重射臣能令君勝逐射千金卒得千金黃庭堅書
稽叔夜此詩無塵俗氣攬其餘芳便可撲去面上三
斗俗塵韓文聖此事本非素性所甘他人或以恒情
益聖愚益愚相譽惟屬知己能諳故吾因遠託之當酬姑發憤而
略道嘲難自解哂應相同又多乎哉如是而已莊子
乎故吾吾有伏惟遊心順養努力加餐高謝牽纏妙
不忘者存存冲逸自求多福應卜近祺夢極親芝神馳臨穎

復鄭峻亭書

英止鄭一崧峻亭與鄭一坊禹屏為放兄弟上江人士所稱二鄭是

也峻亭

現官閫

分襟判袂忽已數年把臂談心時思誰昔懸懸彼此

悠悠往來倦轍歸廬倏傳信至舉篇見字相與聽然

然文選註聽然笑貌吾弟文陣雄師詞壇偉望詎宜小就致屈

長才然則暫蹶霜蹄欲騰空虛者脫其勒仍藏珠澤

正司大力者巧爲留也無庸感心伏惟努力杜詩暫蹶霜蹄

未爲失詩品序藝苑珠澤文彩之鄧林驚人好句撲我俗塵每誦寄懷

良稱絕警至云二十年來南北路三千里外遠愁予

倍覺黯然誰能遣此郢中之曲固宜和者寡矣河上

之歌可堪同者聞耶吳越春秋子不聞河上歌第是

事不果同病相憐同憂相救

探領有期摘髭伊邇諒不使勅者再尅亦惟在摩厲
以須而已莊子千金之珠必在騶龍領下子能得珠者必遭其睡也韓詩連年收科第若摘領
底髭又答崔立之書雖兩則其與俗浮沉隨人喜怒
足不爲病且無使勅者再尅
借他面孔減我腰圍新官對舊官翻增惶遽後劇甚
前劇自笑疲癯寒月言歸窮山策蹇破氷冒雪越澗
凌峯風驚客心面無人色世說庾子嵩腰帶十圍詩紀今日何遷次新官對舊
官梁書沈約傳取煖則煩加寒必利後差不及前差後劇必甚前劇百日數旬華帶常應移孔以手握率
計月小塵容俗狀應所共嘲李逕挑蹊猶叨過獎豈
其漫相稱譽姑作周旋哉亦欲爲措大誇能驕雅數
金之紙裏窮酸吐氣矜持十脰之華腴耳且感且慙

可憐可念韻府措大眼孔小與錢上萬貫塞破屋子
或惟而問之書生曰固知其爲錢但怪其不在紙裏
中耳莊子人有見宋王者錫車十乘以其十乘驕悍
莊術疏智短遇塞遭屯作吏焉行班期尙滯仰酬知
已能不羞人吾弟逸思超騰英風踔厲他日題橋志
遂移檄才聞使某得爲東道主人獲迂西來星使當
必負臨邛象弩先驅啓塗詎猶令安邑豬肝輕溷長
者亦自能供張甚盛何僅如啟事所云更司馬相如
節馳四乘之傳至蜀蜀太守爲中郎將建
以下郊迎縣令負弩以先